

絳跗草堂詩集

絳跼草堂詩集卷三

福州陳壽祺葦仁

五言近體詩

春雨

簾外雀梳翎絲絲春雨冥溼煙低水白疎葉滴檐青  
風色侵虛幌山光罨畫屏數聲歌嘯合遙答護花鈴

冬日

朔氣深山郭霜晨霽色殊滄波翻白日野燒蕩青蕪  
海濶魚龍瞑天寒鴈鷺孤可憐窮島外飢卒荷戈戍  
暮

衰草南州路長河起暮風煙歸千嶂紫日脫半城紅  
樹影迷天外潮聲走海東孤雲獨何向只是繞征鴻  
題烏程徐秀才閩遊草二首

莫過楓亭驛秋江落日斜西風蝴蝶老夢斷刺桐花  
聞道蒼溪客青衫入酒家海天愁思渺吟徹斗邊槎

宋劉昌言泉州人落第詩云惟有夜來蝴蝶夢翩翩飛入刺桐花見青箱雜記卷六

萬里毘耶國三壺戴翠浮黑風吹海立何處木蘭舟  
鷹隼依人倦蛟龍傍客遊滄浪君有曲回首水雲秋  
黃田早行

羈枕何曾睡灘聲一夜添霜消茅店曙雨洗桂巖秋

驛樹明津岸沙禽下柁樓平生惜風景未倦長卿遊  
延平旅宿

明翠樓頭月高城伏枕初社燈春鼓急邨火夜春疎  
風物連千里鄉心繫尺書誰能倚長劒更宿斗牛墟  
沈秀才看雲圖

己酉

之子雪灘客門前湖水流濤聲不受雨雲氣半崩樓  
深谷起何處碧空無盡秋捲簾閒對酒明月又滄洲  
出塞曲

草淺月蕭蕭行沙萬馬驕劒水青海裂旌雪白山搖  
征戍愁驅雁兒童慣射鵰莫令麟閣畫祇數漢嫖姚

自南靖返漳州同人以詩問訊次答

甲寅

問我雙谿去何由託短篇荔雲燒火樹梅雨漬蠻煙  
物色偏銷夏交遊可判年因君話離合松月為人圓  
南歸途次呈邱丈如衡二首

乙卯

萬里怨芳草拂衣歸卧雲湖山留片石風雨感斯文

大阮殘篇在

謂君詩  
父素堂

南陔舊句聞肯教三畝宅松蘿

媿陶君

余幼愛荷製夢飛江上舟江花幾開落江水自東流  
今日車馬倦故山猿鳥秋因憐濬冲少早預竹林遊  
從邱丈如衡乞湧泉寺飯焦

欲就青精飯空愁大藥資不嫌食埃墨最惜助心脾  
鉢憶如來賜沙從佛子披一囊如可覓留取乞陳遺  
事本孝子傳  
亦見南史

無錫阻舟

戊午

烏榜寒風外江停百丈牽遠天京口樹殘雪廣陵船  
萬事空囊劍全家待鼎鑪途窮如可轉咫尺任迤邐  
題鮑覺生同年詩卷後

桂星

己未

萬樹黃山曲高歌俯大荒江湖夢吳越煙月失齊梁  
已製葡萄錦還裁薜荔裳千春感芳草把酒酌沅湘  
辛酉假歸留別都中諸君子三首

辛酉

落葉滿燕薊白雲遙在山吾廬畏風雨昨夢戀刀環  
水濶江湖阻霜寒燕雀跼陔華終日誦其侯鬢毛斑  
小草知何益浮雲總易迷荆巫尚逢蠶蠶天地幾蟲雞  
短劍臨宵看虛舟信水栖鱸魚歸已後慚負好風西  
扶桑東復東煙海碧濛濛尊酒故人別滄洲明月同  
群公各雄翰客子且歸蓬天壤存知己無為惜遯鴻

海幢寺

壬戌

捨瓦留初地

寺有碑記平南王鼎建及舒妃捨綠瓦事傳教有祖燈

謂天然阿

字兩師此

寺鼻祖也昏驕空佞佛草昧易藏僧門落江潮大鐘

飛海氣澄南宗一勺水誰此證三乘

錢金粟林昴弟西牕話雨圖

癸亥

不聽連牀雨馬知心骨驚江湖翻別淚天地咽秋聲  
中歲傷哀樂來因種弟兄京華姜被在難話夢歸情  
華明府瑞璜北山旅舍圖

坐我寶雲院樓臺即畫圖諸山青欲笑一樹碧如無  
所居德生菴庭前銀杏一株數百年物也隱吏辭元亮詩僧訪大蘇自廬  
煙水次夜夜夢江湖

河間道中大風雨

甲子

狂飈蕩平野燕趙失青蒼雲壤暈天黑沙驚驅雨黃  
神靈定何意咫尺相羊萬里



王程急昏鴉又一鄉

夜赴彭城

馬首接明月蒼茫何處邨荒山爭亂石微徑走中原  
天劃青徐小雲歸梁楚昏時平桴鼓息煙火見彭門  
東林寺

下馬綠楊外鐘聲落野亭雲來九江白山入六朝青  
蓮界誰開社松枝罷講經唯留虎溪水攪夢到禪局  
聖駕東巡

盛京祇謁

祖陵禮成恭紀

五言律詩三十首

皇清文穎續編

乙丑

時邁遵

家法

天行位始東升封三古陋

適孝萬靈通肇祀源

邵室那居僚

鎬宮所勤堂構大非復慕歌風右一

肅慎留都壯暨閭王氣濃神皋拓元菟絕漠控黃龍  
杭稻雲帆轉金湯地戶重由來天左海萬水此朝宗  
右二

帝繫徵朱果高山作舊邦生商符駝鳥出震應龍駝

虞氏易震為駝  
見周易音義

稽古功熙亮開天道駿厖姬宗溯沮

漆未足匹三江右三

練日剛柔協皮圭告

禰儀

齋車扶月御仙仗肅星施負劒千官扈鳴鞘萬騎麾  
如繩周道直就日指東曉右四

吉行移萬幕秋豫過郊圻鳳蓋含風細龍沙灑雨微

尋詩津樹合

省稼隴禾肥輦路紆

清蹕

皇情總勅幾

右五

大凌觀牧馬萬里散雲渠  
天地無征戰江河有網陸  
上都秋草外鹽澤雪花初  
何事求宛種西來記執徐

右六

列衛宗潢集諸蕃瑞節趨  
山河接松杏耆舊話杓榆  
冠帶依光邇屏垣守道孚  
十年群望

幸今日慶嵩呼

右七

巖關蘭阪外疊道柳河西  
野入青營濶天圍紫塞低  
鳴鈴出雲巘飛旂拂霞梯  
眺盡檀車壘青青短草齊

右八

北鎮修縣殿

皇輿夙左輦珣琪九府冠雲雨百神諧望秩嬰毛薦

祠官吉玉糴

長白山所皆

松花江

諸遺官祠

敷天裒對頌

景命仰柔懷

右九

劍寫橋山古

興京拱

帝臺群靈避風雨太始造雲雷董野徂岐定松楸陟

景開神榆基

啓運天與萬齡哉

右十

天柱鬱嶙峋經綸草昧屯升臨先自葛涉渭遂居邇

象鳥高原守蕭脂

響殿煙

曾孫撫筵几親把

玉衣新右十一

石馬

昭陵下飛騰涿鹿軍白魚登景祚青犢靖妖氛疇範  
遵

文命盤盂拜

放勳烏蹄留珥服尚繞鼎湖雲右十二

司勳論配食

開國有仁息日月孤忠照山河百戰尊艱難酬麥飯

爵賞繼蕭孫

元狩中詔封蕭何曾孫異數有加坐使

熊羆旅臨風感九原

右十三

往者斯干美

陪京峙

紫壇直從營雒後重紹作豐觀

乾隆戊戌復修邛垣故

事供金版

來祇聽玉鑾遙知

宣室坐元德契乾端

右十四

天神尊泰一禮次四圭班九部麾旄始元正定鼎還

太祖征九部告於

堂子

世祖

定鼎建祀

京師每歲正旦禮焉

盛京制同

禮宗文近古錫羨瑞如山百代甘泉館蒼茫五時閒

右十五

太室璇題絢

宗宮寶冊聯守祧嚴禮事掌祝告幽全

世德見驚繼

神功象勺宣萬方瞻

孝治疇敢忽瓜綿右十六

負辰尊

龍袞鳴球奏象籥珪璋同禹會帝焉想鄴朝



綸紙螭頭下香煙雉尾飄轉思綿絕舊幾度問庭燎  
右十七

叨厥華嵩義嘉賓衍酒肴釣天洞庭樂湛露外襲  
忠厚歌敦輦

君宗憶酌匏願從諸故老十日駐雲旂  
右十八  
側聞

丹鳳詔恩渥滲春膏司士加名數行人致米牢開從  
水衡府暖到羽林袍十二天閑馬騰驤亦飽槽  
右十九  
遼海東西路黃雲一夕過星辰空貫索鼠雀豁置羅  
魚鑰微風動雞竿卓目摩自從元氣決萬族不昏瘥

右二十

况復南陽里寬租十萬家雞豚散叢杜鴻雁聚平沙  
雲雨秋無草霜畦晚有瓜迸將春盎盎歌吹入邊笳  
右二十一

養老推東序

威京耆民年七十以上恩賜有差

賓賢擴上庠

詔增

奉天府屬學生額

秋時鳩杖授天屬虎闌張

宗室鄉會試自嘉慶辛酉始

子弟風雲奮黃農日月長

宸游多浴福佳氣鬱鬱

神鄉 右二十二

釋奠

文皇始丕謨啓

盛京宮牆先北面丹漆此西行

文廟行釋奠禮度  
太宗初建

閣圖書富

謂文溯閣

升堂俎豆清石渠方論道不必訪

襄城右二十三

蒿宮新

步輦嚴翼緬前型楓影分

三殿槐班接十亭

崇政殿和迪光為三殿  
太政殿左右列十亭  
茅茨

當日儉臺沿至今靈丹獲非崇飾吾

皇凜結庭右二十四

省俗皇過外南岡鞞琫升霞綳猶士女

梗為國俗以蓬  
幹搏棟

和膏塗之難以鈕勘自高曾兒童習射以榆柳為弓  
代燭謂之霞縹日斐關荆萬為箭日鈕  
勘淳樸山川古謳歌酒醴登銀編繙綠字舊史示雲  
仍右二十五

聖廟垂衣日蒼然望故邱習祥

三駕禮退遠萬年謀下武皆

神拈

先皇懋作求加勞前軌踐霜露幾春秋右二十六

聖孝當

潛邸曾從拜

穀林扶輪

天馭遠

閭寢日朝欽

夢錫恩無極仔肩道在今昭哉

文祖格

神保洽

堯心右二十七

十稔規成則

珠邱又駐驂盛傳雲蓋覆

親薦露華甘燕翼羹牆慕

龍顏父老諳低回桑梓敬悽愴白煙嵐

右二十八

金芝還朔薊申禮

五陵嚴甲帳風霆護

辰旂道路瞻秋高藏黍稌星出炳鈎鈐回首

蒼梧野雲深萬笏尖

右二十九

告至升華殿衣冠拱絳綵紫庭鸞自舞丹籙雀能銜  
一德追來孝三靈感至誠上儀書太史億載勒珉珮  
右三十

題唐子畏自書詩後

丙寅

墓壘亭何在飄零短札寒才華狂易損身世醉難寬  
白首悲張祜青山葬伯鸞莫題秋士感更泣落花殘

子畏有落花

詩三十首

徐直生御史艾陵春泛圖二首

寅亮

丁卯

湖水撩人綠扁舟夢一涯茶煙然澗竹鶴語落山花  
昨者秋霖降鄉心海樹遮頗聞江漲甚半徙白鷗家

謂乙丑  
江漲

青海飛書夜黃河築障秋群才輸買筆萬里帶吳鉤  
驄馬今何駐江湖不可求桃花門外水愁煞艾陵舟

若嘗西使青海  
南視徐州決河

衛輝簡王儕嶠太守

蘇

丁卯

古柳朝歌道高城落日斜秋禾紅上犢野菜綠翻鴉

浮俗安同井仙才簡放衙向來經國事未肯付詩家

先生自言近

不暇作詩

衛輝驛館聽王儕嶠前輩夜話奉簡短句

恍慨論時事安知冰炭非鳳雞羞共簌蕭檄忌充幃  
骨冷功名薄官貧道義肥微聞初服在先檢老萊衣

羅蓮舫巡道教射圖

正墀

丁卯

躍馬雄心在良方付子孫衣冠希矍相瓠兔憶劉昆  
報國勲名遠傳家禮樂尊知君求義的文武屬高門  
送費西塘給事副使琉球錫章

丹詔通窮疑黃門奉賜衣聲明踰日本鎮撫帶霜



威不識波濤險何論雨雪霏灰遲風自信鍼定渡如  
飛海若朝星使天書護水斐蠻宮拜圭璧番舶卻  
珠璣故事汪舟周海繼家山吳越歸君看蘭天外橋  
柱有光輝

奉和翁覃溪學士蒙賜三品銜重預鹿鳴宴紀  
恩述懷之作二首

垂白逢昭典賓筵預禮賢文星持世古卿月被恩  
偏物望承明上詩心正始前憑誰編小錄重報大羅  
天

僂指登科記功名幾輩完朝廷重耆宿文獻見衣

冠傳益流風遠同袍故老殘香山思白傳宅日酒杯

寬

謂朱文正公詩  
集中五老會事

題法梧門庶子玉延秋館圖三首

式善

玉延諸豫別名  
戊辰

清絕梧門館鋤煙綠不收盤餐皆道味亭樹亦風流

春草何曾歇

杜句

冬心獨好修離騷蘭菊外畫出滿畦

秋

昔日菀菴老園亭近市街詩名繼前輩宦隱傍西涯  
客滿樽餘酒官貧馬作齋人間煙火氣曾否到荆柴  
聞道燕南北年來澤雁飢種遲春緯未炊少雪翻匙  
此物餽糧助寧貪雨露私因懷野芹獻不必羨蹲鴟

題潘伯臨刑部雪天歸棹圖即送還嶺南二首

正亨

草罷雲亭筆歸心忽憶親直將燕地雪吹送大江春  
斷岸無魚賣孤蓬有鷺巡瑤花千萬里天遣餞詩人  
少弟文章貴

謂林恒  
貢士

公車犯雪來煙波一相值風雨

兩為催坐父添爐火花輕入酒杯憑將江上畫說與

故園梅

題亡友張皋文愁霖賦後次鮑侍讀覺生韻

秋士悲風雨能搖萬古心無端雲海立何處鬼神吟  
天地愁張協陰陽問李尋甯知夢君路楓月亂山深  
趙象菴菊隱中書圖

庚午

天隱隱鸞閣況將花署銜山林落吾手霜雨染朝衫  
秋老人逾澹官貧酒尚饒柴桑徵辟絕可要乞芝函  
鄭松谷郡守屬補題白華潔膳圖二首鵬程 癸酉  
已罷莪蒿句丹青只此心淚餘羊棗味哀勝犒桑吟  
豈敢忘封鮓何知戀食苓陵華依舊白持以報幽陰  
我亦思將母凌波歎噬魴力難勤稷黍心久戰膏粱  
小隱宜南澗春暉在北堂不愁無米負松菊即餽糧  
惠安崇武里節烈魏陳氏詩 甲戌  
少嫁黔婁去如何失所天挂枝哀孔雀銜恨化鳴蟬  
破卵無殘息窮泉盡百年由來芳烈氣不燼是灰煙

贈孝廉方正謝丈發川曦

蘆老清修在高懷邀屬雲官曾辭鳳詔人自乞羊

裾隱跡今嚴鄭交情世紀群向來真率會感慨憶先

芬

先生於壽棋為三世交每見輒道及先人氣誼故有未句

宦化施烈婦十一姑詩

丙子

勁艸孤芳在宦爭桃李花青陵見高行彤管出農家

意託諸姑履衰推七日

婦于歸甫踰兩月瑜夫卒後之七日先期以外家製

履編遺親弗示永訣也

自今儕十烈風義播金沙

乾隆中縣以烈著者九人

得施而十

光澤張烈婦詩

少小通文史生耽誦柏舟豈知冰雪性竟折鳳鸞儔  
伏黯宜存後廬江自起謳從容同穴義白日照潛幽  
旌表山右孝義楊氏詩

汾水含靈湫盈川得楷模陝蘭華總潔墓柏汨曾枯  
傷轂來丹雉巢門有赤烏已旌扶老國應補孝經圖  
寤寐春暉側交親古道中分甘過陸瑁行義慕承宮  
肝膽今誰向風雲變不窮如君綿舊德庶與雀環同  
見雪寄姬人

昨夜離亭夢隨風到畫闌瑤臺同小立翠袖不禁寒  
鬢影圍花瘦簾波捲絮殘曉來驚積素猶作玉人看

清源雜詩十六首

辛巳

自誓西山墓衡門歲月悠一簞飢亦樂萬卷老忘憂

世態防戕口官銜免責頭

道光建元蒙  
加四級請授奉政大夫

恩以無田

應更好筆耒即詒謀

遲暮供多病丘樊養不才遂初孫綽志屯丘趙嘉哀

辛苦持門戶甘馨采隴陝皇天慈一物肯悔卧蒿萊

十稔清源長多慙遜不肥僧同退院冷祿較奉祠微

未學難膚受羸親忍輓違丁甯夕葵外無米亦來歸

昔日將軍墅園林有

賜碑

講院為靖海  
侯施氏別墅

池亭更畫

棟橫舍下書帷轉鳥穿花急浮條暖藻遲悠然觀物

悟隨意隱烏皮

忽報斑枝樹

即木綿花

新開滿眼花深春分宿火薄暝亂

飛霞衣被三秋實文章萬丈華赤萍室產楚何處託根芽

一代先賢傳儒林姓氏尊宮牆今俎豆衿佩薦蘋蘩

禮殿修高朕鬻山憶霍原吾衰無一補敷學在前言

丙子余於清源增祀泉之先儒張襄惠蔡文莊以下八先生配食徽國勸置祭產固替春秋

千載泉山俗蝸爭劇可傷潁川求教化王吉最循良

謂王雲 樹郡守 聖聖先民法 僉僉弟子行 鄰封聞杜母亦復

理膝庠

仙游杜明府紹祁新葺縣書院厚其廩餼亦數十年所未見也



賢宰資操割新傳鄧與姚

武平令鄧君傳安惠安今姚君觀

但能捐

害馬何惡徒鳴鼎澹泊追呼靜寬平岸獄消治南風

氣敝一為洗浮囂

萬騎元戎鎮連營肅鸛鵠世家燕名奭大將李思摩

許國名臣事同仇壯士歌還邀西邸讌花月數經

過

謂成都公許提戎

比郡愁炊玉磬鳴接海瀕尺符催鷁首萬斛轉鯨

頃以糴貴撤運臺灣米艘擾攘瘡痍鉅徵輸廩庫貧如何致康阜

民物盡還淳

每憶孫賓石

平叔藩伯

干旌下問來未能師杜密終不媿

澹臺故舊窺東閣功名屬上台願將郇黍雨膏徧海山隈

桑梓詢名士存亡幾歎吁十年耆舊盡千載晤言孤冠佩垂初服糟醕棄道腴眼看枵腹盛蘭芷竟荒蕪萬禩神明祚流虹景命鍾堯年悲語鶴

姬易應飛龍賢路風雲駛仁言典誥宗此生唯拊缶長復頌黃農

門祚嗟哀薄遷宗幾葉覃高曾比松柏余曾祖年八十六父八十有子弟異芝蘭已料慙朱勃何由責阿端吾家忠信寶不為博衣冠

南海三千里尚書有尺書

座主儀真公

門牆半寮案故舊

總旄旗

同年康蘭皋巡撫汪碧山藩伯皆在嶺南

欲赴平原飲難分溫嶠

裾龍門不可見雲樹渺愁予

儀真公嘗招遊嶺南

才盡丘靈鞠心夷蕭大園何須畢婚嫁孰為延愚頑

陶冶詩篇廢飛騰客鬢斑幽蟲偶吟露所得是清閒

吳荷屋都轉松盤攬勝圖

一覽無齊魯蒼茫岱色寒千尋開日觀萬嶂折松盤

風起濤吟海雲封翠溼欄那知九節杖仙客信鞭轡

為吳都轉題錢村寶山水卷送孫平林巡撫之安徽

白嶽三吳勝青山小謝詩千重盪雲海萬翠迂旌旗

讀畫看前輩為霖濟 盛時蒼生倚安石  
丘壑漫相期

陶舫後集詩為馮笏軒賦

問訊青楊巷春林發幾枝鶯花三月老風雨十年遲  
金石評前輩煙霞付小詩主人烏亦好還往每無期

故舊懷人日

陳秋坪同知鄭松谷郡守昔與同輩聯吟今墓州已宿矣

州閣聚

德星黃壚曾感喟白社又門庭旗鼓論詞伯風騷乞  
古靈青山詩思好不必上空舲

奉酬仰山侍郎使閩見贈兼示近作次韻

蓬萊有文筆妙欲到毫顛宦味渾如水詩心半雜仙

飢寒憂蔀屋莖秣就芝田襟抱誰同此清風吉甫賢  
冰雪聰明絕雲煙吐納來平原能相士公戊子典江南試得人為  
盛子羨最憐才霜露煩持節江山助舉杯衰庸蒙齒  
及敢託 玉清陪

喜敦甫尚書使闕相見有作次仰山侍郎詩韻

卅載心交地蓬山最上顛南宮憶風月東觀揖神仙

元圃資良弼為上書房總師傅黃庭葆寸田公悅道家言薪傳師

法在霖雨湖前賢謂朱文正公師

一別何遼闊星軺天上来股肱 明命賦清直大臣

才贈好慙瓊玖成書謝玉林何緣林下叟鸞鳳許追

陪

喜晤汪貞甫郎中從 天使來閩次仰山侍郎韻贈

之銘謙

海嶠煙霞暖春風曉未顛梅花逢驛使星斗駐槎仙  
灼灼京師李堂堂 殿上田繡衣從直指淋漓問幕僚  
賢

南海重回首傳燈兩紀來承明遲後席省署屬高才  
榕影看寒憶樹花想獻杯殷勤將母意四牡暫來陪

貞甫老母在  
京思慕殊切

絳雲草堂詩集卷四

平定臺灣為郭衆軍

庭筠

上嘉勇公福大將軍一百韻

盛代瑤階舞膚功奏

帝嫺

聖謨宣日域使節捲星旗

紫極神威播

彤庭庶績熙南車憑廟略左鉞拱

天儀

鳳詔分茲矢鸞聲動約軼珪璋方召命冠佩鄂褒姿  
智聚文淵米心同謝傳基鋪敦驤萬馬譚笑卻千羆

絕徼通彭澳安瀾達海陲誰令鬥蠻觸輒擬舞馮夷  
鹿耳霓旌去鯨身霧控隨

深宮推轂日高屋建瓴時千楸丁男集刀鋌戎校持  
城猶嚴夜鑿農未聚春菑

神武申綱紀屏藩盡翼為崆峒元帥下肝膽

至尊知大野驅鵠鶚高臺宿虎貔蜀黔荆越旅柱石  
爪牙資銅馬勲名遠琅嶠道里遶筆揮諸葛驛驛蓮  
子房襟橫海飛樓櫓連宵解縹緲青冥挾鷹隼白日  
踏蛟螭接觸相揺簸窮溟自沙瀾波濤仗忠信呵護  
拜靈輅來平紀畧云崇武登舟凡百餘舳二晝夜同抵鹿港策受鸞書諭單



申廉港期

上命由鹿港進師

大邦威赫赫建卒駕駢駢早

破封狼膽應揚義鵠眉赤囊微遠近丹嶂望城陝五

騎從天降雙驂逐日馳士謹三箭定將識一搶麾公

副將軍海公先偵賊於彰化之八卦山僅挾五騎行射殪賊三人擒二人以歸明日復往殺數人賊退二

十餘里大甲先攻取元長入險巖甲公令領隊舒其攻大

自由廉港發元橫雲張壁壘卻月鎮藩籬鳥陳何須

步龍韜總得宜蕉園森刃稍竹柵擁駢韜先是臺灣賊多伏於

蕉園竹園之內公遣巴背水成方伏依崖布翼箕鉦

魯圖率鳥鎗手分禦之鞞陳鶴列步伐整魚麗萬竈鳴鞘靜千山畫角吹威

孤天外指武帳月中移卷席覘高阜焚巢失舊達屯兵

坪林焚賊莊數十所牛欄室懾竄虎竹又分追先至牛欄溪有賊二萬餘人

二角騰朱勒中堅控紫絲將軍弦百步都護戟雙枝

電影穿晴昊星鉅耀赫曦歎山掇魏甲欲野掃吳鉞

戰氣賈餘勇軍聲將萬雌前鋒秦堇父後拒狄虎彌

部曲山難撼行營衆不疲諸生從奮擊下吏効偏裨

元長有諸生以義兵三大埔奔殘豎諸羅拯老羸賊

千至公令庭筠率之行大埔奔殘豎諸羅拯老羸賊

大埔師遂進援諸羅諸三朝晉館穀萬戶蔡城炊羅諸

羅今奉詔改嘉義三朝晉館穀萬戶蔡城炊羅諸

園解公遣義民取穀於賊莊二蠅穴通諸道孤蹤辨

日間得萬餘石而民始得食蠅穴通諸道孤蹤辨

兩岐登臺過玳轂大里列金鉞兵至亭臺莊改為登

截水銀鈎伏周陸玉弩披牙璋遵誓戒鐵胫走嶠嶠

公令諸路兵伏隘口賊鼓舞操全勝持循受撫綏影  
迨至則盡起賊棄械遁鼓鼓舞操全勝持循受撫綏影  
從元凱旅雲集仲華師刀佩思龔遂壺殮擢趙衰雕

題尊闕輦聶耳率靈鉦公知賊魁必入生番乃召諸

知領北社生番詣營公賞之徧且宣明朝廷德意由是生番至者數十社集集方移隊

言言尚守陣重礮摧毒虺列若吼靈夔師至集集埔

于濁水溪海公率師渡戢翼多翹足枯鱗詎振鬚旋

看擣窺窟不假易牛皮草檄初歡捧長纓競請羈群

叨領白撰爭効報丹墀庭筠偵知林賊家屬匿水

公古其業戶偕義民徃曉之遂以林賊家屬獻於軍

是役也立功者咸被賞賚而庭筠得再蒙入奏焉  
更逐投林狖窮搜帶箭麋天梯飛鳥度雪磴入雲危

劍拂青霜動弓梢赤月垂五丁開巖嶮六甲扶魑魍  
公遣諸將攻水社埔社而林賊已逸于樸子犁海公  
率師緣絕壁上行五晝夜追及之是役賊死且病者  
萬餘人頃刻拖狂兇聯翩射惡鴟蟲沙皆自化螳斧亦  
何措戊申正月四日擒林賊等七人二十八日擒蔡  
賊等數十頭目二十九日擒莊賊等數十人餘  
黨皆先瘴雨消丹巘蠻雲散綠湄軍需罷扉屨民用  
固斯錡驚鼎沈煙出雞籠隔霧窺三貂恢海甸五虎  
拓坤維北路三貂者為吳沙所據殆數十年淡水徐  
同知諭降其眾○臺山之脉自福州五虎門  
蛇蜒渡見說蓬萊水仍通太液池神州蘆白阜荒域  
海而東引黃支翕關風霆肅榮枯雨露滋常瞻五辰撫深軫  
一人思上賞班車服殊勲勒鼎彝

主恩同策命臣度盡謙撫

正月朔

上賜公及海

焉是日復

賜公玉如意並受藏詔貺兼敷

祝網慈窮檐表忠義

肝食問瘡痍大澤龍蛇遠空山雀鼠飢蠲除安井屋

盪滌撫熒爚麥隴霜前築瓜廬雨後治四郊花滿縣

幾處雪翻匙

公請以善後事宜歸徐巡撫辦理

稅

賜粵民褒忠額泉民旌義額公又請給

戰鷁

莊民苦蓋銀借以耘種發倉平糶恩無不至乘春轉靈虬躡景騎錦衣聞綽繚羽衛互襴褹朱鷺

喧金鼓青鳶曳翠蕤還同有林勞歸正采蘋祁已奉

韓安節仍敦卻縠詩干城真可倚封菲必無遺自赴

從戎役虛陪記室司  
魏無班傳筆學草阮陳詞  
况願銀魚袋安如白馬祠  
甯圖油幕坐先荷軼緹施  
鈴閣難參畫珠鈴獨握奇  
官留周服不頌比魯奚斯  
下瀨三秋舸摩崖百丈碑  
即今圖衛霍長此輔軒義

上巡撫徐兩松先生嗣曾一百韻

巳酉

象緯中階逼風雲左海新  
百靈敷壽鏡六氣轉洪鈞  
幕府塵幢貴閩荒草木春  
大功出儒者

昭代得良臣北郭門墻峻  
南州鼓鐸振人間瞻鸞鵠  
天上下麒麟妙溯駒王喬  
常傾冕苑賓飛黃皆噴玉

結綠有浮筠題柱年如昨含香秀軼倫護衣歸粉署  
簪筆近鈞陳出使臨鄴鄣遊庠引介僎論文優入聖  
遇士契無隣綵筆舒雕錦綾袍拂爛銀宮螢思翟圃  
文采邁王珣物望洵群繫天庥自翕臻恭承屏翰

命遠鎮段蒙人六詔蜺旌入雙軺虎節巡窮檐依夏  
屋爽氣豁秋口當日攀侯霸何人借冠恂藩垣需作  
牧海甸喜來旬閫制仍分轄軍儲豫算緡庾樓明月  
夜邢觀惠風晨遂拜中丞昉安如百輩僥高牙烏集  
桀夾轂鹿隨輪白簡飛霜肅彤幃卷雪勻珪璋增采  
就旗鼓共增峻問俗宜恬養因時與拊循燠寒紛在

曠風氣日還淳

卷四

五

睿慮紆宵旰遐陬教睦婣園扉多鞠草北櫛已堆圉  
卧閣雲霞滿閒階鳥雀馴

恩波通碧水夢寐入

丹宸道峻仍卑牧居高不厭貧厨梅蕭傲節廨橘柳  
玼仁者宿崇儒雅廉能慎擢掄好修惟澹靜敷治最  
忠純每憶雕龍勳真成相馬歎墨園收杞梓菰園掃  
荆榛魯國諸生列周官五物詢鰲峯宏樂育鹿洞比  
嵒嶙藜閣劉中壘蘇林向子諲芟荷衣自製蘭蕙手  
為紉西序泉流潤東膠禮數彬彬簞簞賡嘯嘯俎豆肅



莘莘吏士欽崔蔡

朝廷倚名郎珠囊扶景祚玉燭協靈辰貝闕無驚浪  
娑洋欵晴塵羽書馳絕徼千楫渡前津旅衛擁繡纓  
軍裝振殷鞞鞍韉持糗糒樓櫓布船輪蠻觸甯為梗  
艱危益致身指揮須白羽頌盼定朱垠雷電天官勅  
虹霓士氣伸重溟開浩浩萬騎走駉駉都督迎陶侃  
將軍識馬璘天弓射犀手地軸動烏駝戍帳翻孤壘  
展旂拱百神戈麾山卒律鞭斷水齋淪合沓驅妖鳥  
聯翩獲介麋撓搶捐嶺嶠兵甲洗川濱負弩雲迎陣  
鳴笳月照闔建業封斧質

賜服映簪紳為有蕃宣寄因邀

寵頤頻拈徠問鴻雁騰達逐騏驎樹靜臬音變煙消  
蜃氣泯星霜撫凋瘵忠信察頌呻賑乏懷韓絳調飢  
感李椿

鴻慈沛膏澤呼舞被

絲綸桐葉紅侵郭桑陰翠接吟繡塋規撫綺陌關  
昉昉已奠嶠夷宅還綏裸壤民纖埃俱盪滌元化必  
醲醇柏寺網猶舉蘭臺典未湮威嚴蒼玉佩談笑白  
綸巾郅治同分陝休風欲繪勳輕裘鈴閣枯雅吹柳  
營道懋績儕群輔賢聲徧八寅生祠登高巖碑版照

琳珉竹帛皋夔並丹青耿鄧親冕旒隨豹尾旌旒繞  
龍鱗澤國江河晏雲甯雨露均抱樞依斗極環寓闡  
坤珍倚劔難龍外迴舟鷲水瀕新逢晉甲子喜祝楚  
庫寅氣得蓬萊迴心存竹柏真全家如許穆肯構埒  
崔駰翡翠開羅幙芙蓉穩繡茵鸞駉歌踏踏鳬鳥舞  
蹲蹲留熟初書酉芬芳怡薦辛霞飛花灼灼風颺酒  
粼粼獨頑慙愚孺微工謝組紉弱齡塵篆刻散質易  
緇磷名讓陳留阮家希賴水前書巢空曝蠹甕牖但  
懸鴉豈有文章露焉知骨相屯安弦猶瑟瑟閑字尚  
斷斷未擬歌殫缺先蒙辨黷薪忻歌泮林藻聽奏大

夫蘋譽歷千金謝勲高萬石秦有星常見丙維嶽信  
生申

聖駕東巡盛京祇謁

祖陵禮成恭紀一百韻代

海日升東極瞳瞳照八埏萬靈符出震

六御仰行乾上溯

生民始追維履武先白山鍾王氣朱果受

皇天熊岳高峯翠龍江遠水漩津占析木次宿合尾

箕躔恭頌庥徵啓謳歌衆望專八旗陳伍列四路挺

步鉦鑼鼓凌空響騶孤映日塞密著錢九部虞芮質

三田圖大應居首憑高必控咽杏林沙瑟瑟松漠石  
爻爻作邑崇豐鎬那居卜淵瀦測園規有準置塾影  
無偏疆理謀爰始溝涂度不愆三關劃地險四塔出  
雲圓橫甸隣郊藪凌河勝渭汧雅吟郃室即頌協景  
山遷

大統歸端拱深仁解倒懸麾旌擢彭濮定鼎宅幽燕  
雷雨經綸造金湯表裡鍵兩京同設尹五部各充員  
城翰聯花鄂宗潢嬖佞縣名都人磊落上路氣喧闐  
華渚流虹外神皋翥鳳邊載窺

珠阜閔猶想鼎湖仙

聖祖三巡格

純皇四謁虔禮循周制舊文本漢儀沿崇報趙姚姒  
尊親奉

皦皦自從

金輅賁蚤見翠珉鐫

世德垂軒紀

宸暉被舜絃

典謨承道揆堂構凜仔肩

大寶提金鏡崇綱整玉璿光華彰繪繡文物耀絃絃  
旰食閭閻慮康功賦役捐淳流施浩浩宏覆道平平

共沐鴻鈞化忻歸品物甄昭蘇榮卉木格被暹蛸蠅  
納貢收賓帙來庭輯琳琅梯山通鳥道駕海泛螺船  
肅闕

皇闈廣敷盛軌宣遠猷周善後成憲必遵前昔  
侍

鸞輿駕頻

題鳳諾箋星霜纔閱幾桑梓又愀然使者覘馳道春  
卿筮吉蠲塗茨修

太室丹雘飾宮塽為念煩儲侍先今出幣錢實簪隨  
曉轉甲帳拂雲褰高柳迎丹旆飛花傍錦韉清塵風

習習灑道雨涓涓萬笏飛騰入

三陵鬱律連

珠宮龍守護寶殿崔盤旋一樹撐蒼蓋

永陵有瑞榆一株雙

驂峙白顛

昭陵石馬二所謂大白小白也

精純將玉帛博碩視牲牲

醴盎尊犧象粢蒲寶豆籩愴悽心翼翼優愾

孝拳拳

賜酹元勲貴

推恩上佐賢古祠般簠簋幽隧旅軋鱣北鎮雄群嶽

東瀛滙巨川致誠分望祀咸秩備殮牽鉅典隨時舉

明禋已事竣



橋山移警蹕京邑覲班聯嘉客來雖驚良材有駟駒  
屏藩備蒙古陪貳引朝鮮鞬象趨王會車書握化權  
珎璜紛組綬弁冕煥貂蟬萬國臚歡洽三靈受祐全  
駿奔欽肅穆陟降契精淵

泰時升黃屋

清壇布紺纁薪蒸燔晰晰琮璧肅芊芊假

廟張鱗箭歌香薦玉筵敬恭瞻宵矢愛慕擬梧椽更  
緬蒿為柱都哉楠有挺睢麟開厥祀龍鳳起榱椽

大政昭宏構

崇謨接細旃

仰熙懷盛治

文溯覽遺編駿業繩

群聖鴻基輦萬年宗盟玉牒衍

彝訓寶書傳遂飲兕觥酒先鳴霹靂鞭聲殺霍露草  
廣樂奏雲卷送瑞蘋莖茁呈符素毳駢中和歌抗墜  
喜起舞翩跹

綸詔重霄下

恩波萬福延官僚增命數稟飫散刀泉優老年咸引  
寬刑過與前籌車蠲總秸秉穗溢畦暎食舊恩詔燕  
觀風誦獻豳川原富珠玉豐穰積倉廩懷萬民仍樸

幽岐俗不僊霞綢資代蠟鈕勘習變弦畔鑿安廬井  
舟車萃市廛山呼騰繡陌衢詠滿霞阡

夏豫辰旂徧秋飈丙御還巖香吹桂影阪草起蘭煙  
松柏瞻雲在杳榆入夢便淵源追咫尺道路接三千  
善述恢光烈丕承考律銓星應明織女斗自運杓璇  
拜寢卑南頓研都陋孟堅何勞封禪議檢玉岱宗巔

絳跗草堂詩集卷五

福州陳壽祺南澗

七言近體詩

閱桃花扇曲因感明季遺事作四首

丙午

鼙鼓漁陽嘯假孤石頭城勢倚江孤旌旗南國多連  
帥帶屐東山半老儒閱武虛堂殘細柳樂遊別苑長  
寒蕪興亡無限新亭淚桃葉西風日又晡

南朝

長安似奕已蒼黃太息孤臣兩鬢霜江左祖劉空自  
誓漢家平勃竟難望春風樓閣來擒虎曉日簾竿怯  
射狼盡悴總憐遺恨滿未教碧血濺沙場

史忠正  
黃忠桓

南朝誰識滑稽生  
柳毅傳書借一行  
脣舌神完高月  
旦須眉氣壯失公卿  
愁來弔屈停盃泣老去依劉斫  
魚鳴最是舊遊邀  
笛步春江花月記分明  
柳敬亭  
元武湖頭鄂渚邊  
風煙萬里入哀絃  
徒悲墟墓樵歌  
起難問梨園女樂傳  
明月西宮思賀老  
落花南國見  
龜年金釵曲斷瓊枝歇  
苦向臨春怨  
摩戔蘇崑生  
元夕

誰駕虹橋上碧天  
碧天如水倒澄鮮  
二儀佳氣春常  
駐萬古華宵月  
幾圓海國紫雲懸  
錦市江城紅樹亂  
花川踏歌聲調三山  
徧星斗闌珊人未眠

海外紀事八首

丁未

萬里曾勞太乙幡百年荒徼幾蟲屯  
蒼垠作霧靈鯤島碧海迴潮撼鷺門  
四野儲胥防日蹙千夫韃狎想  
星奔嚴疆卧閤承 恩久文武何當答

至尊

狼煙吹上海雲間一夜欖槍照鳳山  
頗慮馬銜邀徑路豈聞龍磧倚神姦  
庚辰天將來 三殿戊巳軍裝  
震百蠻寄語伏波南討日遠收銅鼓  
捲旗還

龍磧見  
臺灣縣志

絡繹黃封降 玉京戈船下瀨有軍聲  
狼弧已發長

楊館驛堠宜屯細柳營枉憶賈琮能散賊翻愁宋義  
久停兵長風濁浪重溟外少小何人議請纓

南屏鼓角三更月北衛風沙萬里雲從昔草雞飛海  
水至今母鴨煽妖氛赤嵌城迴殘虹斷白玉山危苦  
霧紛差喜重圍馬汧曾橫戈猶肯守孤軍

福建通志  
琅嶠南屏

雞籠  
北衛

元戎千騎靜和鸞刁斗無聲畫鼓乾玉帳日高鈴閣  
暖琯弓風勁戟衣寒孫恩絕島終投水馬援衰年尚  
據鞏涼月蒼蒼傳箭夜戍樓太白幾回看

鳴笳吹角玉屏山幕府旌旗閃日殷漢使珊瑚勞驛

騎越裳翡翠轉津關樓船楊僕誰能抗海島朱寬且  
未還見說春風荆杞長長鏡有客泣田間

蕭蕭落葉翔鴻停手銀腰弓帶驚翎瘦馬寒星嘶戍  
堠飢烏瘴雨過郵亭天吳吹浪黃雲暗木客啼烟碧  
草腥多少秋閨砧杵急還憐明月照東甯

春來犀兕下滄波虛竚瀛東鼓吹歌謝艾豈聞推決  
勝陽城何意拙催科青江水落又魚急綠野秋荒穴  
歎多海徼藩籬逋惡藪歸耕早晚釋兵戈

中秋

落日疎簾半上鈎瑤臺明鏡碧空浮星河萬里不知



夜天地孤光如許秋梧葉西風羈客思桂花白露羨  
人愁自憐達曙殷勤望長笛吹雲倦倚樓

平生一首

研席淵源與道俱文章羽翼有神扶江山入筆翻鸚  
鵡煙月臨樽吊鷓鴣崔孟隆中應結契徐劉鄴下敢  
爭驅平生冠佩無多餘莫使深秋荃蕙蕪

平定臺灣恭紀六首

戊申

紫宸前殿下霓旌橫海戈船破浪輕窮島虛循虛盜  
夷中朝韓說遠專征欲除害馬安司牧豈為封鯢樂  
用兵

聖主軒弧原在握坐看萬里陣雲平

貔貅十萬競搖鞭飲馬鯨身七島前金鼓已聞扶杖  
拜鐃衣何待枕戈眠石門削翠驅妖鳥玉案摩青墮  
跼驚壯士不愁銀漢挽天教飛雨洗兵還

捷報甘泉堠火微三軍歌舞捲紅旂桐城夜靜潮雞  
合竹塹春遲戰鷁歸笳鼓中流隨使節風霜絕微憶  
征衣金閨昨夕刀環月草綠西園蝶未飛

門通羅漢碧天高夾道飛花拂綵旄驃騎歸來珠勒  
馬龍驤浮渡玉環刀榕陰極戍嚴鐘鼓梅雨芳田靜  
桔槔震疊懷柔兼遠畧萬方親見

聖躬勞

聞道婆洋萬里途  
鯨人鮫妾百蠻趨  
大荒枕海迴天  
地絕域占星控越  
吳日月高擎三  
岳樹風雷長護  
六壬符神京聲教  
無遐邇甯數蕭  
家職貢圖

風帶春濤入短簫  
衣冠飲至未央  
朝裴公勲伐  
碑壯鄂國丹青  
羽箭驕獠虎禁  
中皆脫劍龜鼉  
海外已成橋  
漢廷空下珠厓  
議誰見搏桑銅  
柱標

贈薩檀河玉衡

大雅扶輪久絕蹤  
干將神物有時逢  
綈緇世嬗崔元  
始翹藥終憐阮  
仲容瀝盡金壺  
落科斗紬殘玉  
版夢

蛟龍平生帳祕無人識猶喜王孫數過從

年來幽抱屬青□恍慨尊前喚酒頻孟博出門徒攬  
轡陳蕃閉戶且除塵買絲學繡懷公子撫劍狂歌哭  
古人何意雲霞交未晚更憐談藝宿心親

葉秀才秋林覓句圖

萬壑秋清闢洞門千林黃葉拂雲根寒蟬咽雨芭蕉  
里俊鷗呼風薜荔邨淮上小山招隱士湘中芳草怨  
王孫吟鞦印遍苔衣綠都入冰綃水墨痕  
秋日書懷呈陳蘭漪

天淨山孤落帽展驚風飄日沒江濤魚龍夜冷投竿

遠雕鶚秋高洗翅新  
騷客舒悲憐宋玉鬢  
華感興惜安仁相看  
病少花燭念輸與成  
都貰酒人

過仙霞關四首

庚戌

萬馬奔雲截翠屏  
東南一柱此亭亭  
十洲地入無邊碧  
百粵天低未了青  
絕磴捫梯爭鵲鵲  
虛崖裂礪走風霆  
淮南抗疏千年後  
信有王公設險靈

越王臺上海雲馳  
曾憶將軍下瀨師  
空詫九龍寒寶帳  
頻看萬騎拜珠旗  
一門箭箐通天迴  
半壁山河落日遲  
回首高峰橫槊地  
猶疑深翠宿熊羆

李文襄扼  
耿賊於此

及康良親王率大兵至  
賊將獻關降遂平之

上方鐘磬入雲迢積翠中天鑲寂寥蘭橈宮澶群帝  
近桂旗風雨百靈朝融城白雪迷春戍傍戶紅泉飲  
暮樵獨倚藤蘿垂縹緲寒花酌酒亂山樹

城上雲隨石扇開黃蒿猶甯女牆隈三更鼓角催星  
落萬谷笙鐘挾雨來楓嶺北行邊地斷漁梁南去惡  
灘迴一夫荷戟尋常事莫遣啼猿日夜哀

惠安鹽場

壬子

柴門流水小溪東一片青煙野望通海氣夜寒常作  
雨閩荒天濶易驅風紅藹老圃春泥後綠樹人家夕  
照中雪積霜飛何限事誰知綴賦屬張融

籃輿

癸丑

青簾綠幔紫筠篷踰嶺當時漢使通圓竹肩雲空翠  
裏短檐卧雨亂山中歐公酩酊歸非晚陶令蹒跚興  
未窮駟馬高車關吏識從來題柱幾英雄

峽口古虹寺

蓮峯拱峙石龍嵒禪刹何年署古虹三世法輪窺象

教

寺祖三世  
涅槃佛像

五更陰峽吼龍風

土人有龍  
風之說

天高豈曉

神靈意雲卧方知色相空

卧有額曰  
雲

自哂蕭然一行腳

青鞵布襪尚飄蓬

浦城道上

寒城花霧曉冥冥十里晴郊倚短亭南浦波如前度  
綠東風草已夜來青天邊鳥影看無盡客底詩魂覺  
有靈獨憶船場門上月家山回望白雲停

宿漁梁山次前韻

巖壑清暉變晦冥邨墟茅店尚亭亭含煙幾樹無情  
碧背日千峯不斷青驛堠徃時思將帥洞天何路訪  
仙靈行歌卻上高臺望樵徑蕭蕭獨鳥停

宋韓世忠擒苗劉於

漁梁驛漁梁山三十六洞天之一也

舟中逼除同鄭涵山振圖夜話依韻

金門何日占鄒巖江上經寒折帽尖殘臘風霜愁雁



驚逝波日夜送烏蟾輕帆客渡雙蓬鬢遠火人家一  
草檐行路艱難君莫嘆且拈白酒試甜鹽

吳均行路  
難白酒甜

鹽甘  
如乳

吳江曉發疊前韻

松陵解纜曙霜嚴沙岬寒侵屐齒尖卧幄酒醒橫玉  
塵薰爐香燼凍金蟾五湖三泖留茶竈細雨斜風夢  
笠簷乘興不知行役久前邨昨夜已堆鹽

過金山三疊前韻

聳翠重霄紺宇嚴龍堂負關最高尖地浮島嶼如飛  
鷗天倒星河想眺蟾瓜步白連滄海岬蒜山青落綺

樓檐欲從蓮界參禪味消得恒河幾許鹽

眺蟾池即影娥池

追弔孟寶巖龍光四疊前韻

衍波夢寫曉寒嚴奇字應探岫嶠尖毛質生來同謝

鳳詩名身後說韋蟾香榭繡佛芙蓉館藥竈通泉篠

竹檐塵世延齡如有術青山早勸覓金鹽

賢巖頗佞佛又好談

岐黃故云

寄曾紉芳舊春五疊前韻

願盼詞壇壁壘嚴若才切玉淬鋒尖紬書欲化三仙

蠹洗髓宜如八字蟾阮籍居憂還廢酒

紉芳丁杜陵外艱

杜陵

索笑且巡檐憐余賸有南烹憶千里莼羹未下鹽

秋興

亭皋蕭瑟雁聲酸  
蓬鬢秋風獨倚闌  
縑氏耕餘愁趙至  
汝墳讀罷歎周磐  
高臺躍馬流霜淨  
大漠呼鷹落日寒  
長劒陸離閒脫佩  
悲歌惟對切雲冠

次吳江沈秀才芝山紀遊韻書其遊履圖後

甲寅

天南秋色極朱垠  
去鳥斜暉決散頻  
萬里盧敖將入海

三年韓乂尚留閩

見樊南文集

繡囊氣得煙霞瘴  
寶帚

雲含水木春為問  
生前幾兩屐可須  
輕踏軟紅塵

和沈秀才品菊限韻二首

三徑荒蕪茅已誅  
日精蔣後土融酥  
提筐欲採珠千

斛傾釀還消酒百觚遲汝冷香酬屈宋澹人高意出

軒雲年年風雨重城合何處青山訪少夫周少夫餌

買來秋色付青猿灌溉平畦不用鉏莫向楚中愁北

渚可知陶後少南邨瘦生老亦驕空谷閒絕寒猶卧

短藩聞道花王新下詔禁林仍品百花元菊譜云於

子得菊品近六十種中有狀元黃狀元紅之目

題吳江閨秀沈氏詩錄五首

碧城僊屬降瑤壇倚遍東風十二闌八字碑題韓玉

父九齡研弄白金鑾霧綃拾翠芝田靜雲笈回書絳

闕寒怪底鱸香亭下水年年浣盡綠琅玕

步帳青綾慢絳紗紅牋幾度答秦嘉雲煙共命迦陵  
鳥紫翠交柯閨苑花字裏柳枝風裏窈行閒梅影月  
榼杈誰論靜治堂中客賭記芸籤自點茶

掃眉才子玉庚庚午夢堂虛掛曲瓊白紵紅鹽停錦

瑟寡鳬簞鵲入銀箏春風梳子同心淚秋雨簾燕隔

世情惆悵絳河千歲別夜來瑤草滿青城

沈宛君有  
午夢堂集

見吹鳥毳數花鬢偶搨滕王蛺蝶圖薄袂染箋烏玉

玦輕綃捧硯阜羅厨身飯鹿女生忉利手柳螺鬟繡

曼殊為問雪灘遺老在才華猶讓左芬無

頌孺人為  
雪灘先生

茂倫  
之姊

青絲覆額畫鵝黃  
敲徹珊珊翡翠床  
劉氏三娘猶有  
女蔣侯小妹本無郎  
病多未抵梅花瘦  
愁絕方憐藕  
縷長祇合蕙櫳荷屋畔  
澹雲疎雨兩微茫

贈壽寧盧于湘金錡

同來漳水浣塵衣  
白露蒹葭見亦稀  
結客異鄉如不  
速關人芳草是  
當歸疎蟬一樹帶煙暝  
新荔半郎蕪  
雨肥風景清  
榮成小住夜闌松塵尚頻揮

漳州官舍鹿新乳為全使君賦

豐草長林遜此馴  
伊尼濯濯曲池濱  
纔稱角解逢朱  
夏忽報胎生護  
綠茵無力踏花惟戀母  
有情眠月不

驚人莎廳會應三公卜還向車前賀夾輪

漳州送金使君之秦安

玉珂蹀躞動江皋阜蓋朱轡送羽旄東岱新迎龔舍

綬南風舊暖呂虔刀

由南勝同知權遷

千家紺荔回鞭指數

片丹霞滿袖韜此去榆藩成美蔭祇應坐嘯委功曹

聞漳州大水後寄諸同人五首

尺書聞報漲滄洲百谷波濤漏未休舊事東門視雞

血新悲南土戴魚頭窮黎誰抱空桑怨羈客徒添泛

梗憂愁絕秋風杜陵屋高歌長夜聽颼颼

龍溪岼挾夜潮奔虎渡橋淪曉霧昏沈壁誰聞王子

贛繪圖應遇鄭監門射工颺母多吹毒木客山都總  
斷魂萬里星墟異箕畢先看呼吸達宸垣

宜房瓠子漢家垂不制龍門駛箭馳豈有玉山鳴

勝遇疇後渦水鑠支祁名圖綠字他時出捷竹寨焚往

代悲說與東來兩黃鵠可憐豆飯芋羹詞今秋河決  
泛溢數州

話雨樓西綺榭湮天涯消息問離人荒城想像呼庚

癸侵歲紛紛訴甲寅聞父老言漳郡三  
遇甲寅皆被災侵芝岫已傳秋

徑履楓江空憶故園蕤含情欲語湖中鴈迸入休文

旅恨新謂沈履橋明經沈吳江  
人遊漳作芝山遊展圖

小別歐山欵十旬關風伏雨暗江津重尋花下烏雲



醺盼斷霜前白雁賓水濶蛟龍疑入夢天荒魑魅喜

窺人桃椎芒屨盧耽履一例飄蓬倍愴神

謂朱小岑盧子湘余

以是夏識二君於南靖官廨唱和嗽荔詩甚夥

寄朱小岑布衣依真時余將入都

瑤簑千丈桂林峯光祿書巖積翠濃天遣才人掩犀

貝我憐尺木失虬龍難邀雲寄山中住最憶區宏海

上逢自誓雞鳴聽風雨青蒿終愧倚長松

紫荆山畔罷揮毫

山在南靖西南

寂寞花前讀楚騷可歎人

生如露電獨容我輩久蓬蒿清尊海雨歸牙頰明鏡

秋霜點鬢毛欲折瑤華遠相遺愁心隨月下江皋

閩川名士煩君訪屈指詞壇復幾人江左才華存孝

緯

劉次北明府永標有鹽白齋稿

石渠高議見長賓

林樾亭喬蔭林暢原茂春雁

門遺研耕畬富

陸壇河玉衡雁門學士之後家存少遺研作祖研行有白華樓詩鈔

谷餘波濯淖新

鄭涵山振圖誰信一時閒月旦中原有觀瀾堂稿

風雅望扶輪

出山泉水少回瀾幾度京華旅食難毛義有親思捧

檄貢公無友許彈冠泥沙激蓄三峯瘦風雪倭遲一

劒寒我亦終南新弟子不留仙枕夢邯鄲

奉王教授東溟陽開

杖屨春風二十年重過夾漈草堂偏諸生著錄推樓

望名士傳經老服虔但有瘦羊從祭酒不知騎馬騰  
寒檀蒲輪還待申公駕指點靈光獨巋然

君前後居  
仙遊最久

冬夜過薩檀河留飲書懷

月黑風軋吹角孤酒闌燈落醉魂蘇高歌天地傾肝  
膽短褐江湖脫鬢鬢可歎萬牛回首重何當雙鳥洗  
翎呼憑君乞取飛霞佩去逐雲中汗漫徒

乙卯南歸留別都中諸君子二首

乙卯

每聞鄉信便驚猜腸似車輪日幾回故里總愁魚尾  
赤春風猶帶雁聲哀山芎麥麴諸邨少遠忘嘗歸百  
感催祇恐陶公結廬處頻年驅我為飢來

是春間  
中大饑

高堂華髮漸星稀  
紳帶藏飭願已違  
愛日心如春草短  
出山目與暮雲飛  
閉門莫沮何蕃去  
索米終愁曼倩餓  
歸看瑤花三島活  
緇塵吹不到萊衣

簡曾紹芳舊春越中四首

家傍任公碧井闌  
神光照社絳霄寒  
綺齡對日稱奇駿  
華蓋藏雲起伏鸞  
夢草更尋池閣近  
葦荷仍建廡門寬  
年來人似秋山瘦  
倚徧西風翠袖單

碧雞雄辨久驚筵  
六稔論交識此賢  
醒有狂名甯借酒  
貧無長物不言錢  
誰持燕筑遊屠市  
莫脫吳鉤贈少年  
獨向平原露肝膽  
蛇虺從古善相憐

陝南舊見簋殳藏粟西籬或未空貧賤最憐茅季  
偉功名終惜魯扶風故山涕淚思攀柏前事辛酸感  
麤桐回首海天魂欲斷丹邱何處白雲通

昭代羅才頓八紘衣冠多少棄儒生日邊名士推荀  
隱天上佳人見陸閔此去六橋三竺近好看青麋白  
鳥迎還憐康樂離群久遥折疎麻下越城

代和某總督喜雨元韻

新捧鸞書墨未乾節樓風雨角聲闌人歸海嶠兵初  
洗手倒天瓢夢尚寒諸道旌旌迎段頰百城父老望  
劉寬霓裳虬蓋空高詠猶費元暉賽石壇

見謝眺喜雨賽敬亭

詩祠

曾紱芳縣尹調孝豐奉寄二首

丁巳

親捧潘輿下驛廳邑名合共吏名聲高門似表顏烏  
縣畫舫頻過柳憚汀官膳雖貧華絕白訟庭不掃草  
常青苔山落水多風物分付才人夢筆靈

頭顱如我卧蓬萊蕉蔗紛紛夢易迷絲短春蠶難作  
繭墨移秋燕尚銜泥宦情未敢辭中散交態何曾笑  
下邳紅豆花前人瘦盡閒雲憶否岳山西

藍溪

在福鼎  
太姥山

松風澗道水聲寒一色天光漾碧瀾溪女晚漚蘿帶

細山家晴染荔裳，  
紅落著雨隨流失。  
澄綠涵秋欲唾，  
難惆悵千秋神姥去。  
中霄笙管望青鸞。

追哭孟執菴夫子二首

戊午

四十歸田有二親，  
師廿年卧病茂陵貧。  
由來落木悲秋士，  
不為香蘭怨美人。  
五柳門邀花外月，  
九僊峯入座中春。  
深山亦有閒猿鶴，  
歎息雲封蕙帳塵。

萬里旌花閣使星歸來，  
又上草亭西河垂老多憂。

患

師晚年連喪二子

北海憐才憶典型，  
逝矣龍蛇真有識。

以師

丙辰病

丁巳卒，咄哉牛斗竟無靈。  
舊時帶草俱飄落，  
回首蠻

山總涕零。

弔副都御史上海陸耳山先生

乾隆庚戌先生以副都御史再赴盛京校四庫書  
忍凍得疾竟不起憶丁未巳酉間先生督閩學壽  
祺未及弱齡獨蒙容接昔釐峯山長則考功孟瓶  
菴夫子撫部則徐兩松先生愛士深至士亦知數  
公之相得益彰也數年後老成踵謝此風不復睹  
矣舊時桃李觸緒淒然詩以弔之云爾

蓬觀曾騎杏葉鞍樂浪空掩惠文冠生裁鄭默中經  
富死惜張堪布被寒憶昨南州振鼓籥同時東閣集  
虬鸞十年楚畹風流盡腸斷秋江採蒨蘭



題謝句男震詩後二首

十載同攀杞梓枝深叢傲兀見孤羆身遊冀雍荆梁  
慣才壓封胡過末奇六籍笙簧供鼓吹九霄河漢沃  
肝脾石渠高議經師盛惟遲佳來與說詩

萬里風煙接漢津征南羽騎動星辰荆襄將帥須陶  
侃建武君臣悼祭遵金甲屯雲猶控蜀朱旗閃日更  
通秦聽君秋柳他時曲玉笛關山倍愴神

旅感呈謝句男震四首時日短至

朔風吹月度滄洲日暮煙波萬古愁但聽陰陽催急  
景甯知天地寄扁舟揚雲弔楚功名薄鄒衍遊燕道

路脩人世茫茫幾鴻鵠茲行不必問沈浮

海內論交定幾人平生意氣向君真非關蛩距行相  
負自信龍泉合有神鳳月江山託丁卯衣裳冠佩降  
庚寅千春換骨金丹在肯乞刀圭救病身

布襪青鞋逐旆旌絳跣朱萼隔陔筌十年緇素風塵  
化萬里關河骨肉輕憐我辭家如趙壹羨君詣府作  
素閒瑤臺今夕多霜露好送東風接鳳城旬男以親病入

定都省

冠蓋京華鶴在陰豐臺花發想登臨英雄自古歸  
燕市哀怨何時廢越吟敢累安昌留故客每慚康樂

賞同心對床風雨他時約猶恐飄蓬跡轉深

梨嶺謁李建州祠

唐詩人李頻也舊傳國初王師下閩神有護  
衛功今訛為五顯廟按池北偶談卷二十一李頻  
名列唐書文藝傳懿宗時為建州刺史卒見神梨  
嶽郡人祠祀之宋紹興中封靈顯忠惠公後加靈  
佑善應王再加廣濟王又加福佑威濟信順王明  
洪武初改建州刺史之神載在祀典

翠竹青蘿上石稜建州遺廟此峻嶒流連故老祠朱  
邑慘澹陰風戰李冰詞客才名誰繼踵鬼雄魂魄敢

虛憑何當下馬尋墟墓一琰寒泉酹野藤

仙霞嶺讀周櫟園題壁詩作

梁園才子擁旌旄樹屋紬書老自豪

櫟園著因樹屋書影

當日

費昌歸毫晚幾年冀愿宦閩勞蒼黃對簿空囚服慷慨登陴尚戰袍留得花菴過嶺句到今風雨動蕭騷

和謝甸男無題二首依韻

劍外塵沙落日昏珠鈴幃幄莫輕論  
羣盜窺秦塞夔府孤城阻益門  
豈少蜺旌車外聞仍煩虎旅出  
中原可憐一片關山月  
夜夜霜刀照血痕  
廿載飄零劒氣昏  
青尊細雨夜深論  
詞人自撰元和

頌兵法誰通太乙門  
阮塞山川閭戶佼激昂  
肝膽託平原  
麤才媿擲封侯筆  
潦倒青衫有酒痕

西臺

汝杜花空愴暮年  
悲臺血泪到重泉  
乾坤片土招朱鳥  
風雨荒山拜杜鵑  
何日陽阿晞短髮  
傷心季漢墜遺編  
千秋許劍孤亭在  
終傍嚴陵碧水偏

釣臺

羊裘卧脫釣竿懸  
男子何須世上傳  
漢室君臣多故舊  
吳門眷屬有神仙  
危臺日落長波急  
大澤風高獨鳥還  
逢慶邇來周黨老  
幾人天上動星躔

和旬男不寐依韻

酒後悲懷斫劒歌轉蓬未敢怨東阿不愁遲暮瑤華  
歇祇恐高寒玉宇多朔墊風軋吹病樹秋江天遠望  
明河蒼茫此夜家山夢孤角殘燈奈曉何

旬男舟中得江上愁心多為月醉中鄉夢總如雲二

句戲贈

海天霜落減朱顏倚俦鷗波浩蕩閒林寶愁多似江  
水元暉夢遠是青山詩兼妙態春雲藹人憶清輝夜  
月閒繡被焚香無限思寒溪終夕怨潺湲

弔陳省齋前輩夢雷

承明詞客出蓬萊弱冠青袍陷賊衰盛忽還家空遘  
難江淹下獄獨憐才九泉良友誰無負絕塞荒骸  
詔許回白草黃沙虛塚在行人休擬李陵臺

旬男於攜李舟次聞駕部君訃先入都作詩傷之

畫省驚傳失鷺鴛悲君難斯忽星奔中年涕淚窮行  
路往事風波戀寢門萍葉前生无弱絮桐身半死是  
孤根江南一望蘆溝月越鳥西飛亦斷魂

### 觸水發揚州

玉龍戰罷夜潮乾千尺冰簫斫未殘

舟行打水蔽江而下俗謂之水

彈

橫浦雷聲初拔柁隔江雪堆幾歸鞍二轍風雨秦

師老十月關河蜀道難  
此日公蟲應盡伏  
亟催戎幕  
偃旌竿

過淮陰

西風萬里蕩沙鷗  
招隱遊仙兩逗遛  
天際彩雲雞犬  
隔山中叢桂鶴猿愁  
甯論橘性難遷命  
祇覺桐心易感秋  
歎息年華流水逝  
畏看遠綠下邳溝

淮陰侯

楚猴秦鹿定神區  
千古藏弓一歎吁  
何代君臣均父子  
當時將帥委娥姁  
假王獨恨圖齊急  
良史終明背漢誣  
底事鄼侯知國士  
空從粵嶠託遺孤

事見張羽集及粵志



沛中

高皇魂魄此鄉親歌舞風來酒數巡  
尺土興雲多王氣同時衣繡幾歸人  
新豐雞犬春如故大澤龍蛇夜有神  
千載金刀遺事在泗亭殘碣惜沈淪

成進士後得家言初以郵錄謫失舉室多向隅者愴然有述

己未

蓆帽風流拋卻輕泥金消息遠難明  
虛名偶誤陳驚座少賤終憐馬長卿  
十載浮沈安雙屈一家領願愴烏情  
遙知置酒高堂上翻倒歡心涕亦橫  
奉和座師大興朱尚書奉

命教習庶吉士莅翰林院授書郎事之作元韻二首  
侍宴蓬山不計年蟠桃三摘故依然元詩三度蓬萊  
戊辰登詞垣乙未自晉藩內轉侍講學士  
及今嘉慶己未以太宰教習庶吉士也  
文章西掖  
留高價風月南宮續舊緣黃閣仍抬香案吏紫書親  
授玉堂仙當時兩鳳名驚代誰託鷓鴣逐後先謂與  
竹君

學士  
齊名

新帶頭銜號老龍

方勺泊宅編龍圖閣學士謂之老龍

通門孔李並儒

宗那大司空同

命教習司空曾祖

絲綸累世歸楊

賜文勤文成至司

杖履

中朝拜伏恭

師為

今

共溯傳燈繼初祖敢希獻賦頌三雄閨風縹馬前生

夢也學寒花到板松

壽祺少夢人贈詩有三  
花前世接蓬萊之句

己未七夕二首

青鳥何曾下九□西南蕭瑟蕩颼輪望迷蓀帳金缸  
夕寒到僊裙玉佩人荆楚歲時傷綺節巫峯雲雨起  
秋塵關山月裏三年笛吹盡征兒鬢似銀

哀角驚笳天欲霜江湖落日思茫茫空波鵲駕難填

石故事軀腰正合場

是日立秋

永夜高臺看太白誰家明

月照流黃征衣刀剪寒閨急不上鍼樓已斷腸

蟬

昨夜秋梧雨似塵曉來綏影蔭涼津  
媿無喉舌隨言

鳥豈有文章稱侍臣是霞高難風露飽舉家清與水  
雲隣憐渠同抱秋心古一曲青林調苦辛

贈林桐崖縣尹

鳴岡 桐崖被議  
左遷入貲復職

三載春花種越中青袍入覲未央宮孤卿自識趙元  
牀冠蓋重歸黃次公掩雉上風須更順門雞再接再定  
誰雄君家縣譜流傳久終奏淮陽卧治功  
嚴尊嘗宰  
山陰有聲

贈鄭青墅縣尹

大謨  
二首

秋水芙蓉氣射虹星鐔干灌出泥中少年游俠交原  
涉門祚艱難仗小同  
青墅遺腹  
子茲云一白衣兮宮柳碧早  
時手種縣花紅百城計最來輕騎十載心期慰別鴻

家風少谷擅清詞寫盡瓊瑤贈所思咏史景陽能道  
古從軍王粲獨哀時春陵退賊身應瘁河尹逢人間  
不疑好待朱幡觀俗徧中和樂職播新詩君在汾陽  
禦賊有功

所著有青  
野詩鈔

曹雨山豹泛舟行看子

黃山豪士氣縱橫第五何慙驃騎名萬里欲投都護  
筆一鞭長揖亞夫營論兵東蜀無殘賊尋夢西堂有  
俊兄回憶扁舟隨鷺宿何如短袖射雕輕雨山為頤  
弟其兄宦蜀今  
將從軍往依之

答宋芷沅用韻二首

時余抵羊城芷沅居父憂  
挈家寓惠州豐湖書院

壬戌

客子天涯久畏人隨風吹墮海南春行藏迂拙存吾  
道骨肉艱難拚此身微祿愧虛魚鮓寄異鄉暫拾燕  
泥新珠江花事渾蕭瑟冷蕊疎枝半斂華

海天消息兩難真魂夢誰知隔幾塵君已孤寒餘涕  
淚我猶皮骨暗酸辛生隨野馬原無著身作雲龍合  
有神祇恐相逢轉悵悵高歌無那眼中人

贈伊惠州秉綬四首

十載明光起草頻千旌過嶺遠班春本從光祿分臣

筆嚴尊雲林光祿就養官舍

來與坡仙作後身陵曲夢跌能恍老海

鄉珠翠不移貧松風亭畔梅花發玉蕊吹香澹似人

粵風荒憬近吾邦持律平反衆所降應劭百篇工議

獄周昕諸吏定祠瀧多緣卧閣開油幙每假行幃過

海幢

嘗邀余遊海幢寺

身是九龍山上月要分明鏡照珠江

君嘗被大府檄

至省垣治儉

綵鈴才子白環家天上嬉春舞萬花字法奇如碧落

石詩情麗作赤城霞論交輦轂歡僑札說士風雲入

齒牙慙愧南皮賓客外他時辛苦亦披沙

紫馬豐湖踏綠隄故人小宋此高栖一身我忽留鴻

雪三笑天教會虎谿風雨杏花京國遠海山荔樹

舊鄉迷不曰飛鞚仙兄共難料穿雲白水西

芷沅主講豐湖

書院余時將赴惠州喜同志之不孤也○蘇子瞻同  
程正輔遊徑山詩得與仙兄共飛鞚又云穿雲但覺  
衣裘重

南歸述懷呈謝旬男

著作蓬山敢自詎甘馨蘭膳可無娛日邊名士多於  
鯽江上歸心不為鱸乞食天哀陶令拙逐貧鬼笑子  
雲愚艱難倘遂閒居賦肯使丹崖綠水汙

永春鄭使君一崧論戍秦中傷其老病遠遷歌以永訣

海天風雪隘孤簷

使君入關時作  
海天風雪圖

又報南冠入五陵

遷客泥塗羞醉尉殘生鬢髮惜聲丞

使君重聽關河操筆

才難盡貧賤論交感倍增西去短衣看射虎莫教老



三

亥癸

以蔭為浙江  
海防守備

余方修最難部曲共甘辛他時風雨泉山望尚向金海塘志

祭遵儒術雅歌同石墨鐫華總博通壽雪集成蓬島

上有壽雪山望雲人到荔香中

所後父所臺灣難由君痛之作白雲圖

來說士甘於肉料得憐心化作風多少才人逐龍尾  
驪駒百唱思難窮

曙日扶桑挂九枝伏波橫海舊旌旗甌閩星動聯牛  
女島嶼煙深宿虎雞想望隣疆同鼓分明軍令偶  
傾卮自憐桑梓關悲笑東部戈樓伏指麾

越中諸生數百人悉題余西湖講舍校經圖為別賦  
此謝之

偶然鴻爪踏湖波湖上談經樂若何如此江山天下  
少古來吳越霸才多文翁禮殿思圖像玉式諸生誦

別歌慙負元亭問奇者何曾心盡付編摩

甲子五月奉命主試廣東和陳荔峯學士韻二首

嵩慶

甲子

玉室丹臺冠上仙聲華意氣動人天弟兄江左聯群  
詞詞賦黃初歷仲宣於節喜陪同館列兩風長憶對  
床緣南遊記取韓蘇筆煙月收歸七百年

嶺南曾訪五羊仙又泛星查八月天萬里羅浮離合  
幻重來陸賈簡書宣儒生報國存微分海嶠看花感  
宿緣莫笑虛名誤驚座江山相識已三年

宿正定隆興寺

丁卯

傷城古柳澹無煙紺宇飛樓俯大千秋色來青滿恒

低河流捲雪走幽燕劫餘文字供過客有隋開皇六年碑記夢

裏莊嚴詫宿緣余少時夢空中現兩巨佛露半身寶相莊嚴如大士像瓔珞動搖望之心

竊惕惕今見此寺大佛高笑我本無桑下戀花宮風

七十三尺恍如所夢異哉

月住何天

松風蘿月亭四大字明

湯陰稽侍中祠

妖釁蒼鵝出地飛孤忠白日與爭輝一家風義鍛鸞

蚤萬古煙霄軒鶴稀三馬豈知生八馬血衣猶自勝

青衣滄桑過眼推蘇徑斷碣荒邱定是非壁中刻朱文正公詩

詳考墓地有疑詞焉

和朱詠之大梁聞中作元韻二首士奇

三載纔遊五嶺東使星又直玉衡宮江山韓筆留千古詞賦梁園憶數公文雅未衰河洛氣儒珍須景魯鄒風多君芳性諧林桂肯放幽蘭墜谷中

秣糠揚簸出沙塵文字升沈託鬼神敢恃驪珠棄餘爪應防鼠璞誤奇珍芸香累代元寒畯蓬觀同門媿

替人

同年鮑覺生學使先為甲子主司

記得南崖傳盜在金篋刮眼

尚難真

朱文正公乾隆乙卯以翰林學士副靈端臣侍講校士此邦有汜水禹生被黜實高手也

公作詩紀其事以自訟

贈河內曹生懷樸解元謹二首

青衫弱冠奮龍鸞文彩珊瑚閒木難天下奇才思賈  
筆松高靈氣有周翰科名未了千秋業慈孝孤生百  
尺竿懷璞早孤努力脩能惜年少芳心無限葆荃蘭  
明珠昔日採南溟弟子何湯最少齡甲子校試嶺南  
省元何生惠群  
年亦弱冠更喜神駒出河汭真看繡虎接英靈  
勗君守黑從知白媿我成藍定謝青惟有國恩揚對重致身  
自古在通經

贈鄭州張生燮臣調元

東海門墻二妙躋

生與曹解元皆為鮑覺生學使所賞異招之讀書署齋

雅材

大小更誰齊願留頭地居和仲會奏卿雲屬稚圭生名

第二故云華實要令芳在佩文章元與道為梯傳衣何有平生志笑指梅花卧雪堤

送同年鮑覺生侍講主試山西二首 戊辰

詔書歲遣輜軒使先後仙分閭苑班大國良材多在

晉參軍健筆獨陵顏鍾記室評明遠云歎雲尚想龍

文出浮洛曾持虎節還去冬由河南更綴詩情貪嶽

色滿衣秋碧照煙鬟

文章一脈信通神傳火由來貴指新此地門牆遺愛

重朱太傅夫子看君桃李舊躋遵歌來汾水真才子

夢感梁州有故人自笑迷陽猶蹢躅寐寐吟斷閉門

陳時余病足  
數月不出

送友人官湖南二首 嶺南人

平生意氣厲青口  
紈綺風流迴出塵  
嶺外梅花仙作侶  
坐中脩竹澹如人  
酒懷北海樽常滿  
詩思南園草又春  
舊雨暫逢今雨判  
忽忽香火亦前因

新驅熊軾到衡陽  
為有旬宣寄一方  
漢吏高車重黃霸  
楚人如歲望諸梁  
九皋鸞鵲天聞語  
十月關山夜有霜  
自古湘南詞客地  
待君坐牖聽滄浪

書李密傳後和馬秋藥太常 履泰 己巳

輦南百戰霸圖窮  
嘆惜柴徐策總空  
鼠尾有妖辭辟



壘虬髯何客識英雄徒成下計猶卒感未許孤忠比  
竇融贏得黎陽留片石故人涕泪洒悲風墓銘為魏  
鄭公華  
逐鹿中原感廢興騎牛狂客竟憑陵三秦已遣歸劉  
季十策何曾納魏徵天下英雄空虎視山東部將沮  
龍騰可憐北面羞降虜比似田橫恨不勝

泉州逢楊淦泉明府自海外還將歸雲南錄別二首  
桂森 癸酉

種花仙吏出詞曹儒雅猶披舊錦袍海內奇才並張  
無武威張介侯詞與淦泉皆天西文物壓王褒每將  
史筆煩書牘君綽有吏才無上啓事下條教恒已報  
自秉筆疊疊千萬言可勒治譜

炎荒見賣刀

歷南平彰化克已愛民有成效笠織歸來無長物清風

萬里送飛濤

治彰化及權理番同知凡沐陋規數萬金歸裝蕭然書笥盈舟而已

七人踵到越

王臺同譁紛紛捧牒回已未同年宦閩者七人惟沈秋

瀛士煜任上杭如故餘多罌誤鐫秋或羈留不得去

淦泉以母老乞養自海外返大府為請調同安議格

行不自古銷魂惟有別與君懷抱更誰開艱難門戶思

將毋感慨風雲惜此才草草泉南暫相醉狂歌休放

百分杯

送梁蔭林儀部入都章鉅

錦窠西望掖闈高畫省需君灑彩毫著述自娛梁林  
敬淹通誰並孔儀曹衝寒鴻鵠心猶壯滿目關山首

重播憑語薊門新柳色和煙和月照宮袍

海上受降圖朱芝圃太守屬題桓

重臣綏撫搃戎機海上風雲在指揮直向潢池收赤  
子謹傳樓艦捲紅旂呼來魚鼈橋能駕射盡鯨鯢水  
不飛莽莽虎門天際碧搏桑初日照崔巍

十年戰鼓怒潮聞竟報降城築海濱

帝念蛟蛇知改惡誰言鳥鼠不同群橐弓定後煩幃  
幄賣劍歸來樂耜耜獨有同袍老兵卒至今垂泣李

將軍

謂壯烈伯  
李忠毅公

虎竹春行捲赤帷崔符釋警狗生虓太平共此二千

石一紙賢於十萬師減厥下車真解散冠帽遮道願  
追隨多公安不忘危戒敢恃淮陽可卧治

喜門士多預文衡有作

甲戌

心燈何敢詡傳衣才俊門牆或庶幾不競春華愛秋

實自安雌伏望雄飛已聞薇省封軺傳更報蓬山預

鎖闥

癸酉秋賦及門戴春溪舍人主試雲南萬小廬舍人主試四川甲戌禮闈唐竟海太史又預分

夜卻歎曲江風度在蚤隨秋燕海南歸

定安張翰山探花余甲子

使嶺南所得士文行最優

辛未散館後乞假歸矣

贈興化俞朗懷知郡同年恒潤

露輶行軒畫戟張喜聞霞契莅吾鄉文翁舊化已夔

俗曾為到溉新題海嶠章蓬島風傳花管鳳棠陰都

入荔雲香使君坐嘯壺樓曉肯憶山人巷姓黃余家福州

黃巷唐黃璞故居也璞後遷莆田故莆亦有黃巷山之名

彈指紅塵十載更漫勞賓戲問班生槐卿輦轂多儕

輩竹使干旄自寵榮近同譜中壯謝功名甘驥伏聞

思雲水乞鷗盟滄江一卧秋風晚夢斷銅鑲玉鎖鳴

贈盧厚山坤兵備惠潮嘉道

丁丑

阜蓋朱轡鼓角喧雙旌山色接鈴轅冠影孔翠仙雲

覆榮護祥烏愛日暄五嶺東維分玉節十洲南徼控

金門海邦父老知吳隱飲水盟心有詠言

廿年蘭薄最情親  
聽鼓應官趁轂塵  
風雨弟兄常對榻  
樽罍歌笑每聯茵  
自從潘岳閒居日  
遙羨崔邠導從身  
聞道六條勞問事  
平反報與北堂春

贈潮州萬子雨知郡雲

銓院綸扉舊鳳栖  
蘭臺一出慰黔黎

君以吏部郎擢軍機章京遷侍

御出為廣東郡守

興廉已報移蟻浦  
戢戢何勞祭鯉溪

由廉州守

調潮州海國昇平資卧護  
學官詩禮與居稽  
遙知畫戟

清香暇駐馬湖山待品題

韓江文獻百年淹  
方志由來起例嚴  
鵬水地分新井

邑

謂豐順新分縣

鹿洲書蝕舊騰籤

漳浦藍鹿洲先生守潮嘗脩郡志多所刊削

曾聞和仲官聲美還仰心傳史筆兼  
李心傳嘗至潮  
君頃方議修郡

志我欲嶺南重錄異却慙三篋記緬緜

病愈

戊寅

才命風花不可爭豈堪桂漆斧斤櫻兒童善病李百  
藥憂患傷心劉更生解脫莫令存我相哀慵何敢占  
時名從今齊視彭殤理豫遣邠卿作墓銘

荅孫平叔都轉慰疾之作長句二首

閉門示疾學蟲鳴忽枉新詩慰友聲七發文詞才子  
筆三年懷袖故人情介推有母思偕隱牀夜非仙覬  
養生憑乞刀圭真換骨咀含冰雪洗聰明

名家翰藻踵衣冠使節輝光及矢簡南國山川倚常  
袞西京財賦問桓寬曾覘治行心如水更篤交親味  
若蘭防我病魔憐我瘦宵朝飯顆苦吟難  
及阿陳竹軍舍人詩主試吾鄉喜而有作

門生門下見門生盛事由來世所榮衣盍況看傳梓  
里旌輶忽報訪蓬衡紫微鳳閣高文重碧海龍堂寶  
氣驚自笑衰庸同龔落敢將虬戶竊聲名

贈吳荷屋同年都轉四首

榮光

辛巳

蓬山柏寺職司尊省署樞廷橐筆繁每用詞臣資起  
草更煩使節動行軒秦關父老多攀轡越國英賢半



在門總為東南財賦重特移海嶠間牢盆

君由詞館  
陟臺垣入

比部佐樞密丁卯典浙試戊寅授陝安道今移閩中鹽法

渡沙飛雪海頭春瀉鹵均輸豫算繕欲以仁心回瘠

苦先將儉德採頻呻下車豈惜風裁峻

君下車即矜恤疲商屏除

億開閣仍貪翰墨親今日司農咨大計汝南著論更

何人

洽聞彊識涌風泉好古耽竒握槩鉛亭榭要藏華老

墨宮齋原有米家船涇陽金石搜羅字孤竹衣冠記

繪年千軸琳琅邀共賞使君仍是玉清仙

君儲古書畫甚富近

在京師得唐楊漢公墨跡宋李希古伯夷并齊圖又在關中得涇陽王妃石刻尤珍惜之語余他日欲仿

孫莘老墨妙亭故事鐫所藏碑帖

於衙齋約余暇日發篋共賞之

建安才子總風流高會南皮憶舊遊同學十年多  
九列故人一畝合三休杜陵老喜逢嚴武魏野詩還和  
益州退食羔羊真素節堂堂嘯咏在南樓

贈陳郁度明府

夔讓

物望吾家識仲弓循良儒術古人同所居樾蔭盈南

國臨別桃源泣下風

近權牧永春

父老能言孟水潔衙齋

想見畫簾空多君報

國餘霜鬢回首青山憶射洪

贈孫平林巡撫之安徽

蓬島仙來海嶠天公才數歷不論年九遷名位苟謂

蚤兩世麾幢李憲賢時會唐虞扶日月地無吳楚領  
山川皖城秋色青如畫可憶榕江橋袖煙

治南凋劫久魚鱗今日瘡痍喜始平揚激苦防苗鼠  
食拊循先急澤鴻鳴雪山輕重關來去僕射恩勤是  
父兄無那公歸難信宿試歌哀繡不勝情

追題鄧簞山先生入祀陝西名宦祠

名夢琴浮梁人  
乾隆壬申進士

先為蜀令  
游擢秦守

蜀道秦人愷悌通西京循吏有遺風絃歌祠屋思王  
渙治行朝廷重弱翁三異書升天下最六廉率屬蓋  
臣忠更饒暮景歸田樂濟美還傳傳譜同

謂今嗣款  
原同知

炳燭齋詩為游彤貞侍御作光澤

老學名菴定有無

侍御擬構此齋未果

意中慧炬照冥塗葆光

已免膏煎火悟道還看雪點爐莫笑郢書誤燕相何

妨漢史問胡奴

元晏春秋讀漢書不解棠梨孤塗之語有胡奴執燭問之曰棠梨漢言天

子也自願從東壁今餘燿病眼斯文密自娛此遂悟

絳雪山房詩為楊雪采比部作慶琛

本是冰肌出貌姑天教紺雪染羅襦空山醉月寒先

斂薄夢生紅曉漸蘇豈有仙霞墮階砌爭看海色挂

珊瑚知君自許腸如石不假還丹試藥爐

贈吳荷屋藩伯二首

丙戌

驛路清霜拂綵旂，阿春接海山陬重來軒蓋逢黃

霸為仗蕃宣寄甫侯，曾憶瀛沙鹽筴重喜看擔笈佩

衿遊書林手寫豐碑在長共文翁石室留

君前都轉閩中釐飭

鹽法甚力增建鳳池書院學舍給膏火士肄業及鄉舉者彬彬與鼇峯亞書院碑記乃君手書

秦越山川舊采風，西南節鉞護黔中

君曩由漢安道調閩擢按察使

調浙江遷黔藩再權巡撫假歸定省

遙聞恩惠稱种

數月今秋還朝

特簡閩藩

萬貴州故有野蠶君，軟旁郡悉種之長被一國又籌

銀二千餘兩修葺貢院闡舍二者舉其富教大端耳它善政蚤覺奸邪畏柳崇君未至閩之先數月非

壯長承忠孝，美算縉膏恃斗箕豐使君習見麟洲水

為問江魚怨尾

工閩中府庫充而閩關殊為瘠故深望以富民之道

奉和宮保尚書金匱公述職南還疊次途中寄懷諸

當事元韻五首

丁亥

四牡馳驅逐朔鴻冶城燈月覺匆匆上元東裝入十洲

水護鯁人靜兩路星巡虎帳同沿途巡閱延建新

錫冠綏來海外遠看圭爵捧雲中去冬平臺賜花翎晉宮保詞

臣勲業誰能似笑揖當年大小蓬宋人以秘監為大蓬館職為小蓬

滄溟投劔截蛟鴻回憶戈樓去鷁息

帝予中台冠冕貴人驚小范甲兵同承家紱綬從天

下三月陸見再膺賞賚橫海功名在掌中

料續婆娑洋外句徧傳謠頌到方蓬婆娑洋集公前

時著

無雙

殿上見丁鴻節鉞還朝日未忽

七命康侯加晝接乃

上七名見命公行

三司開府拜儀同

變龍獻納雲霄際魚水

君臣倚注中為報天南暘雨若風聲海澨自蓬蓬

衮繡公歸咏渚鴻

京華燕喜亦忽忽仍教申伯還

南土特獎獎侯式百同

諭旨褒公以為封卿夢疆大吏克勤厥職者勸

青江榆雨後驛程紅旂稻花中十年父老歸循拊何

隄春風養慈蓬

聞有新詩感別鴻張侯書艸惜匆匆關山自和裴公

作風月難忘庾傳同勲伐定留麟閣上襟期常寄鷺汀中  
丘園松菊皆棠蔭猶媿叢麻託曲蓬

奉餞徐秋潭總戎擢鎮綏遠二首

韻

英姿岱華拔巍莪裘帶雍容聽雅歌勲業高門親耿  
鄧風騷勝韻學陰何傾杯似酌成都酒灑墨如翻渤  
海波笳鼓不喧貔虎靜清秋鈴閣月明多

廿年人事付浮雲海嶠重遊惜又分南土從來仗元

老西人猶自望將軍

前為西  
安將軍

旌旄前後頻持節筆硯

清閒共策勲獨有瀟湘詞賦地相思蘭芷綠紛紛

劉真為鄉貢招同人泛舟西湖飲宛在堂懷古二首



昨宵涼雨灑簾櫳勸我湖西一櫂風秋水初添盈尺

綠野花爭放幾枝紅菱舟打槳歸邨女蓼岸沈留坐

釣翁朧盡稻畦飛白鷺古來誰繼芳陂功湖自潘敏惠濬後迨

福文襄重治計四十年今又適符其歲湮淤者多孫宮保倡議復之殆有天也

湖社詩人舊接肩新祠脩竹面淪漣青山有例歸高

士黃土無緣訪故阡周櫟園所立陳趙二詩人墓故址竟不可訪文獻百

年煩月旦宛在堂祀明林子羽王孟敷鄭少谷高宗呂傳木靈葉文忠曹節慈徐慢亭與公謝

在杭十子乾隆初黃莘田所立也堂久圯道光四年劉君重建之益以謝雙湖陳叔度趙十五及莘田凡

十四人皆取其蹤跡習於湖者然文忠祠業光顯不必與詞人爭一席也蒹葭一水自風

煙花亭草閣多零落把琰斜陽獨愀然

和張詩舲戶部使閩紀遇抒懷元韵二首祥河

八月輔軒

詔蚤宣斗間星使即槎仙提衡跡為

尚書踵

戶部先從祖祖父文敏公雍正甲辰典閩試

紀遇詩從畫省傳珊

網遠搜鯤壑外

本坡籍始設臺木樨新放鳳堂前去夏

閩中

改造貢院今

秋七月竣工擴闡舍為九十三百餘間

重建內外諸公署規模闊敞

衡鑑堂前庭種桂兩株

各高大餘○蘇詩會借領袖承明客同使若為戴桃

李移栽向日邊

金曹聲譽歷南州橐筆

樞廷閱幾秋四海新知習

鑿齒萬編博綜范長頭白華鮮並皇華照

五月戶部奉命

時嚴尊遠春學正以薦舉入都

江月清蕪海月收閩中

引

覬又擬歸途迎省慈闈

以東坡詩月色豈料哀庸蒙記憶譚經終自媿朱游  
隨處好命題戶部紀遇序懷詩有斲輪一老推神手之句謂余主  
講鼇峯也余與戶部於嘉慶戊辰僅在京師一面相  
隔二十餘年已忘之矣萬里神交猥蒙挂齒惟皇然引媿而已

庚寅正月邀敦甫尚書仰山侍郎小集鼇峰講院尚  
書即事有詩次韻奉和

大雅扶輪溯百年榕邨講道此升筵

安溪李文貞公  
康熙戊戌還

關過三山嘗  
諸鼇峯敷講

重逢鹿洞傾雙蓋若援驪珠出九淵舊

雨豈需雲族合他山深藉玉工賢自慙衰老虛蘭實  
肯競春華百態妍

三山雲物近蓬池旌節新來草木知南國初臨召公

舍西湖還訪稼軒詞

二公奉

命讞獄閩

琅嬛地倘

神仙遇

建安人所記張茂先入琅嬛福地事乃鄒魯人

從海嶠期天為高賢留此會春風送騎故遲遲

庚寅二月六十初度先期適湯敦甫尚書鍾仰山侍

郎按閩竣事還

闕惠詩為壽謹次元韻志謝兼

以錄別

馬齒難量大小年豈堪衰鬢傲賓筵經師未問那根  
矩詞賦安如王子淵縑縹傳家無物長丹青染學定  
誰賢自知樗散材何益鐵石梅花敢比妍

使星卿月照天池勛業蕃宣四國知忽枉嚴公過杜

宅榮於子野得蘇辭眠松不改青山色報李難忘白  
髮期此後相思風雨夕海天西望嶺雲遲

敦甫尚書仰山侍郎引與晤言頗及時務賦呈二首  
廿年跼伏臥蓬衡懷抱逢公一見傾敢以江湖忘魏  
闕豈無憂樂預蒼生讀書元貴知今學論世應符信  
古情台鼎自留臬益在不妨野老種蕪菁

畫餅虛名亦自嫌愛閒多病歲時淹狂言詎似高平  
直政論仍同節信潛漢法頒條歸簡易武侯謀敵在  
威嚴書生從古迂談熟莫信鉛刀一割鉅

芷林藩伯乞退還里承示吳中留別同人長句

四首次韻

在山泉與出山泉悟到非魚祇獨憐從古名臣懷綠  
埜幾人倦翮返青田急流真覺抽身勇安步何貪拾  
級連留得夔龍卧邱壑便因鱸膾亦翛然

金坡昔日踏蒼苔移入文昌自不猜粉署聲名樞密  
重荆臺表率省郎來濟南獄豳垂棠蔭江左嗽鴻飽  
芋魁莫恠諸公紛挽駕旬宣原惜出羣才

文采風流迴冠時經綸福履共綏宜亭祠攷獻多修

古江海籌糧盡入詩

在吳中修建滄浪亭梁伯鸞祠最著。○兩遇河決水灾豫籌海

運與截漕事宜咸符書為奉公揮翰少酒緣憂國舉盃遲  
諭旨公自言案牘勞形裁答鮮暇又言勤勤之餘酒戶亦減  
黍苗膏雨東南遠想見

吳儂去後思

家山回首別松蘿宦跡觀人感喟多豈畏孤芳化荃  
蕙難矜一簣障江河但愁繡袞歸周早其奈蒼生望  
謝何笑我廿年甘瓠落掖垣曾否憶風珂

前詩意有未盡再疊元韻呈芷林藩伯

吟社當時會月泉夔蛇心跡最相憐遨遊自愛登山  
屐健飲何須種秫田名位廿年間唐舉海波一曲溯  
成連故園松菊應無恙回憶籐陰亦惘然

籐挹吟館  
君昔家居

聯詩事  
於此

六載蘇亭步綠苔故交閩帥耦無猜謂陶官保屏垣曾廣

開渠利謂濬吳淞江幕府頻煩假節來四權撫篆江左算緡先

令甲斗南豪俊讓人魁寄聲梅社諸詩老吳中問梅詩社諸老

何計攀留柱石才

侍郎楨幹濟清時謂林少穆撫部正倚同寮左右宜豈意

世康辭祿日先裁表聖退栖詩平江煙雨單衫縞歸

驛溪山一棹遲喜有高才傳業在石渠金馬待論思

謂長公子吉甫中翰

歸來問巷訪煙蘿老輩楹書嘅歎多著述二林淹梓



里林暢原教授著述甚富身後稿已售人林鈍邨教  
諭撰周禮私記六十巨冊採摭極博余屢索之其  
後人稿風騷一代失檀河謂薩慈西湖詩社銷沈久  
幸僅存風騷一如縣令少谷柴門寂寞何憑仗扶輪資大雅詎誇駟馬耀鳴  
珂

題蔭林藩伯燈窓梧竹圖

嘉慶丙子蘇齋與蔭林蘭卿論詩落句有

多少窓燈梧竹響欲憑舊雨為傳神之句蔭林蘭卿因先後繪此圖

詩老門庭晚最親蘇齋得士契無隣妙齡李嶠呼才

子謂李蘭卿郡守高詠梁鴻邁古人意味應從皮骨別興觀

直取性情真疎簾梧竹窓燈夕彈指流光一愴神蘇齋

歸道山距繪圖時已十七年

蘇黃盡處寂求音杜法千秋證寸心蘇黃盡處途逾

元音皆蘇丹篆辨香參已許詞源浩蕩涉逾深蘇黃盡處途逾

齊詩語此圖絕句云辨香果許參丹篆前筆談自

題五言古詩云浩蕩極詞源問涉津與渚

昔兼虞廣含吐如君妙沈任漫道對牀詩事合蘇黃盡處途逾

謝蘊山馮魚山論詩繡絲誰盡度駕鍼謝馮皆蘇齊

蘊山作對牀聽雨圖繡絲誰盡度駕鍼謝馮皆蘇齊

藩伯以後起之雄為詞壇帥

衆謂風雅之宗歸海嶠矣

閨重陽日芷隣藩伯招同人集烏石山 文昌祠有

詩用韻和呈

百年風日幾重陽李西再閨真看歲月長入是鄉山

逢舊雨花遲佳色殿秋霜題餽不厭頻揮筆送酒仍

教更倒觴何似吳門冠蓋盛每留詩夢在滄浪

衰齡久未上山岡自笑登高怯跛牂短髮幾回吹帽  
易殘遺猶見引根長喜無風雨催秋去惟把茱萸少  
我狂是日棋以但使年年同此會金韉何日不重陽  
題芷林藩伯庚午雅集圖次韻

日日敲門送五經廿年腴韻憶園亭竹林自昔追高  
會蘭圃何須效獨醒人似雁行箏上柱酒如龍氣斗  
間星同會十三人多豪飲多君福慧誰能並解紱林泉鬢尚青  
交游原自淡林回婚嫁何當了惠開離合半生驚露  
電鷗鳬終竟戀池臺名流金谷飛觴勇朋舊黃壚對

酒哀記取丹青陳迹在如何不飲被花猜

黃樓詩和梁芷林藩伯

黃巷門庭憶德溫黃樓新構面梅軒但教地踵蘭成

宅何事名爭謝傳墩白杜人開九老會公薈官適符

之年朋舊過從無綠楊春接兩家園白樂天欲與元

虛月亦與香山同宜作兩家春余宅與藩伯隔垣前後亦有兩小

樓然不如公文采風流遠甚魏無以張之也買隣

百萬因君重付與雲仍細討論

鐘鼎山林總慧脩午橋兼擅郊橋優詩王生本陳芳

國宦隱居宜宏景樓詞賦一時朋酒洽薜蘿三徑歲

寒幽景于宛羽明吾鄉陳女大流風後較滕榕城韻

徐興公二樓名

事不

梁藩伯芝南山館作東坡生日有詩屬和

詞詠王劉想尚存

王子直劉景文皆有慶坡公生日詩見公集

南飛仙羽

自軒軒莫嫌磨蝎纏宮病自信虹梁荷棟尊

見公答王郎詩

壽骨何人稱兄弟詩家初祖繼兒孫建溪新餅雲腴

碧

亦見公答王郎詩

長醅梅花雪月魂

楊雪菜比部玉屏話月圖即以錄別

君主講玉屏周芸舉兵備為作

是圖

芝室苔岑洽主賓鷺門秋色淨歆塵心如霽月天中

景道屬名山畫裏人元度儘教諧朗抱司空應自悟

前身從知千載寒流水共印空潭一片春

負笈如林集小螢高齋靜夜話秋清累從對影邀盃  
酒遙計相思照屋夢碧海無風明鏡徹青天有句老  
蟾驚祇今西向燕臺月回首烏山萬里情

絳跼草堂詩集卷六

題武夷歸權圖送邱贊府二首

雞窠巖下俯澄潭散髮扁舟弄蔚藍榕海夜來風雪  
重梅花殘夢到江南

芰製荷衣鵲怨深潘園蔬膳肯投簪君看射鴨堂前  
客未負平生寸草心

循陔圖

君家昨日寄文無欲采秋蘭綠未渝多少五陵遊俠  
客千山立馬白雲孤

采藥圖

可為丹砂媿葛洪雲扈招手鹿皮翁人間瑤草知多少  
莫向鍾山問晚菰

唐栖舟次園梅

癸丑

想像名園碩辟疆午天坐散雨花香空山流水無人  
問留與維摩作道場

漳州清明日見楝花滿地

甲寅

羅裙繡屨踏莎行十里梅莊遠綠平無那炎方春易

老楝花風裏過清明

梅莊故址在郡南南山寺之背

楓亭荔子圖

輕颺斜日夢楓亭冷雁哀猿不可聽過盡木蘭陂上



路不知鄉樹幾回青

題畫

六銖衣褶九霞裙周昉屏風迥不分說與江頭浣紗  
伴春山無語寄朝雲

宴漳州文園

甲寅

漳江過雨洗丹霞高會傳觴落月斜醉後不知春自  
老移鐙猶照小桃花

南浦夜宿

野館霜高卧擁衣疎燈猶似宿沙磯寢門寒夜誰溫  
被飄泊黃香有夢歸

乙卯季春抵都逾月南歸

乙卯

一枕春明夢易醒天涯舊雨半飄萍多情前月河橋

柳猶向行人故故青

是歲批選舉人故  
交多奉檄以去

車中見月

乙卯

燕山三度逐寒鴻襖被風沙萬里中近日塵容似蘇

季畏教明月照飛蓬

楓嶺

嶺半為閩  
浙分界

初日楓關溼翠濃遲遲步屨看芙蓉鄉山送客無多

路才隔峯腰即萬重

畫蝶

己未

宮額明粧照綺霞仙裙來往玉皇家一從高舞披香  
殿肯向紅橋逐賣花

許畫山進士作屏讀白香山集而好之作東坡圖  
詞場跋踈望旌旗家學韓嬰善說詩論到元和長慶  
體不知才子有微之

香山副墨寄東林樂府新篇諷諭深廣大自然宜教  
主正聲不獨是秦吟

筆海迴瀾數退之往來莫恨少新詩君看春水多情  
綠翻在平江煙雨時

六義根苗論入神後來纖艷誤隨塵鄧魴老去唐衢

逝不分雞林有賈人

樓臺履道醉婆娑玉局詩情較若何不俟黃州真築

室後身又喚小東坡

蘇過人稱小坡趙達亦號小東坡見宋史

汪侍講學金靜崖圖

風旛悟後靜三循丈室維摩結淨因獨坐楞伽好山  
色水流花放更無人

讀蜀中女史鵬紅題壁詩

劍外兵戈怨翠鈿殘燈孤驛照沈綿詩情哀過啼猿  
淚未忍多聽蜀國弦

錦水鴛鴦綺翼單風鬟萬里總飄殘青衣江上魂歸

夜猶照我睂古雪寒

自京赴嶺南二首

辛酉

木落先聞朔雁哀  
花開未逐鴈鵠回  
莫驚人似青山瘦  
萬里風霜負米來

慈線寒衣久愴悽  
倚閭又隔嶺雲迷  
香爐峽上空林月  
照見飢烏挾子啼

歲暮懷人道中作七首

宏長風流阮侍郎  
長裘蓋遍海天荒  
自憐繞樹南飛鵲

深惜東風下夕陽

過杭州謁巡撫阮雲臺夫子

絕學吞交接  
孟僖文章氣誼託  
心知如何驚代張平

子也學金閨朔苦飢

同年張皋文精虞氏易近亦苦貧有歸志

蓬萊文章建安骨山尊高譽滿人寰却緣冬笋霜中

綠一夕煙情墮歛山

吳山尊自言冬初將乞養歸○山尊全柸人居歛

珠玉為心手扶雲論文誰似鮑參軍扁舟孤負滄波

去一曲青琴不可聞

鮑覺生贈行詩有碧海孤相奏之句

家業王陽舉世稀千秋許鄭情適微轡車歸補方言

字莫遣春風減帶圍

王伯申素善病今秋典試黔中

李蔡高風薄漢霄百年鄉耄歎蕭條故人導我津梁

在天外悲風起大招

湯敦甫嘗以李文貞蔡文勤學業勗我二公皆壽祺鄉前輩也

甸男短褐尚蒿萊沽酒吳閶欲飲哀應是身宮坐磨

蝸半生箕斗困奇才

謝甸男震流寓姑蘇

題鄭雪蕉使君鴻雪齋詩鈔二首

一崧

壬戌

唾霧吹雲迴出塵倚門翫髀苦吟身  
鄭公榜散傷心日猶有高歌泣鬼神

廿載升沈誤一官江南曉斷鷓鴣寒  
自知骨相虞翻蹇敢學離騷怨芷蘭

玉屏山居圖為陳默齋題二首

君從曾祖僉都南麓先生築北園此山曹

秋岳作圖園今毀補圖誌之

柱後歸來杖履輕北園圖咏古人情  
玉屏山下聽秋雨猶助彈蕉萬竹聲

邱壑重描願凱之芳荃為辟桂為旗煩君更製山居

賦好附臨川祖德詩

君壽雪山房集冠以述祖德詩

烏程嚴脩能照納侍兒張秋月索詩

癸亥

親携玉佩託微波打槳同聽樾葉歌載得江南好秋色滿天明月照青蛾

維摩供養散花身善果三生種夙因自信前身作明

月本來月上是家人

嚴婦嵇氏以次女為秋月女。維摩詰女名月上。

許元孟戶部鏹杏花春社圖

六街蹋鼓倦朝來檢點穠生幾不堪一夜春城花似

錦小樓紅雨夢江南



春風吹散綺綃霞香到青帘白板斜  
妒煞看人社前燕夕陽紅樹話山家

題畫三首

菱谿柳渚下輕鷗落日人喧古渡頭  
看盡晚霞江樹

暗不知天際幾歸舟

渡口斜陽

橫塘細雨鷺斜飛釣舫無多泊渚磯  
隔岸人家溪市

晚綠簑新買鰕魚歸

水西雨泊

二月梨花水滿篙  
蘆花中簑簑載輕舸歸來沽酒斜陽

畔回首前江風雨高

荻岸漁舟

李郡丞舉杯邀月成三人圖

明月何年醉九秋錦袍夜弄大江流  
停盃寄問騎鯨客醉徧人閒幾酒樓

再結青蓮未了因春風把鏡自相  
實後身金粟前身月不辨新人與舊人

林秀才繞屋梅花圖

東風吹雪上柴關種徧梅花水石閒  
一種冰魂共來徃滿天明月謝家山

歙鮑氏墓圖

丙寅

墓圖舊擬李西涯今見吳塘百歲碑  
夜月雲軒山上望秋墳誰唱鮑家詩

題畫二首

庚午

琅玕無數綠池臺  
魚咬紅蕖鳥啄苔  
剛欲抱琴彈石上  
斜陽樵唱隔花來

五湖泛宅亦尋常  
築得高人小葺房  
但使山栖如此畫  
更勞明月夢瀟湘

題同年程春廬駕部夫人吳瑟今畫冊四首

庚午

染得鮫綃淺綠纔  
東風催雪上瑤臺  
青閨自有生花筆  
不向檀郎乞夢來

洛陽花事太豐腴  
揀取輕紅隔鼠姑  
贏得清詩題謝女  
春風簾外句如珠

江南春雨捲簾初雙燕差池矚綺疏如此清風如此  
華合呼紅杏女尚書

畫家祇解貌徐熙錦繡爭春汙粉脂誰識夫人林下  
氣等閒花草亦才思

橘枝詞十二首

癸酉

九月黃塘水驛西青霜輕染綠雲淒江邨日出船窗  
望幾點金丸鑄未齊

晚翠炎方雪不侵芳條亦有歲寒心不知千里瀟湘  
色秋雨秋風孰淺深

鴈鴻飛盡海天秋拍手兒童弄錦毬無數青梯落紅

亂人煙暖徧橘園洲

採實皆以竹梯倚樹取之。橘園洲在侯官西郭外。

棗花開過柚花殘，纔上眉尖一點酸。待得四山紅樹

醉瓊漿已破女脣丹。

洪江江水平如油，洪江女兒不解愁。一夜溪船載春

去，無端明月夢蘇州。

洪江之濱多產柑橘，橄欖之屬。土人歲買估客販吳門。

妾家生小傍江潭，江上逢郎好我甘。願與郎心無變

改，不隨煙雨過淮南。

今年三月橘花肥，傳到鷺門秋較遲。紅霞壓擔送郎

去，霜冷問郎歸不歸。

橘旺價廉，多販厦門。

履端風景杵聲寒，擣盡瓊霜作粉丸。紅袖金釵圍燭

影先傳吉語上春盤

吾鄉冬至家作粉丸先夜中堂設燈燭長筵首置盤橘男女各

出謂之搓圓旦煮供鬼神而後食之鄉語橘與吉同音

嬌小催今壓歲錢朝來環珥拜新年春風滿地吹紈

綺若箇紅香墜袖邊

除夕元旦必以橘分賜兒女

撒荔傳柑故事賒春星夜火萬人家劇憐玉手攲攲

素翦出紅燈奪綺霞

元夕有製橘燈者兒童或刻橘實空其中為小燈

金衣脫盡楚萍殘萬疊庭隅炙日乾可是藥囊無棄

物析醒不假拓漿寒

皮入藥品

漳南飴蜜十分調紅玉千槌向齒消百餅青筐霞片

散東風吹入賣餠簫

橘餅出漳州

西施舌三首

沙汭星鋪二寸纔含冰吐玉妙羹材吳儂不飲耶溪

綠也合華池出水來

道家以舌為華池

越客千絲網底春江風海雨上牙脣樽前正有櫻桃

口莫付甘飴郭舍人

枉憶王餘說膾殘

王餘見吳都賦博物志膾殘見吳越春秋

浣紗人去五

湖寒憑君乞借蓮花舌懺盡人間綺語難

唐小忽雷詞

小忽雷者唐文宗內庫琵琶名

國初

遠空營夜月高將軍多少恨須是問檀槽中丞唐女部手上舊雙絃內府歌筵罷淒涼九百年李蘭卿

舍人得其拓甲戌本屬為詩

傾盃樂與聖蠻奴貞觀風流舊曲無何處關山寒夜  
月鷗弦彈入塞雲孤

太和遺製五絃絃鐵撥檀槽妙手能當日梨園誰弟

子淒涼女部鄭中丞

此文宗內人鄭中丞善此器見樂府雜錄

玉環已破玉宸室

玉環唐明皇所寶琵琶康崑崙奏琵琶於玉宸宮曰謂之玉宸宮調

流落人間鳳臆工想聽阿翹天上樂內廷愁看牡丹

紅事見杜  
紅陽雜編

秦罷楓香又綠腰後來申米亦寥寥

咸通中米和申旋皆善彈小忽

雷見樂府雜錄

千秋翻出拋花扇配與吟蟬大海潮

北東塘有大海

湖小吟蟬二詩琵琶歌見湖海詩集及池北偶談



秋坪遺詩

甘滋蒼秀才澍出示陳秋坪先生遺詩一冊師友  
風義展卷如生讀竟不勝風流頓盡之歎為綴長  
句擲筆泣然

萬首詩輕萬戶侯老來亭榭記休休荔裳蕙帶隨緣  
製只有雲心付野鷗荔裳云云冊中詞句也

水曲雲凹

秋坪自署所居

陋室銘客來每乞換鶯經澹煙涼

月今蕭瑟說到西州總淚零

坐月中秋聽雨宵深燈踈幕病無悵佳人翠袞愁空  
谷倚竹天寒鬢已凋

范宣弟子侍詞壇  
讀畫聽詩妙染翰  
應笑東山何處士  
祇教鮒蟹議鍾岏

荔竹山房幾舉觴  
故人偶贈雪中香  
攀嵇文呂渾如昨  
無那山河隔渺茫

甘羅風義本名家  
兩世情深侍絳紗  
莫歎凋零數篇簡  
予亭知已在侯芭

澠蒼林父呈南  
往亦從秋坪遊

馮笏輶鄉貢紅杏枝頭春意開  
圖

緡

紅塵京輦倦征驂  
何處東風把酒酣  
草長鶯飛花事暮  
年年春雨夢江南

點筆飛霞落滿裾  
綠楊小艇著煙疎  
風情何似紅梨

院銀燭雲鬟夜校書

景文筆記雅無儔漢史刊謠歷二劉須識高才踵班  
范清詞豈獨擅風流

老我潘園鬢欲絲茂陵卧雨見花遲  
嬌紅萬樹爭春館說與寒梅總不知

題同安劉南吉鄉貢獨絃吟遺稿

薜蘿山上綠如煙別鵠離鸞上獨絃  
恠道玉溪詩罷卷斷腸錦瑟怨華年

辛苦星霜草亦腓青閨幾度泣牛衣  
如何嫁得黔婁壻不共春風百歲歸

管夫人墨蘭

鷗波亭畔露娟娟魏國丹青鎮自憐  
比似珊瑚簪谷

種春風別是散花天

楊廉夫題管夫人朱竹云  
網得珊瑚枝擲向簪簪谷

離騷哀怨失蘅纓留得青閨染黛香  
欲問王孫芳草

綠帶人烟月滿瀟湘

鄭鐵侯鄉貢我我圖

汝霖

偶煩形影問行蹤石上三生一笑逢  
直遣併空人我

相山青雲白萬株松

祝雨巖鄉貢風木圖

銜索枯魚事可哀百年風樹恨難裁  
君看老鳳丹山

路誰飼桐花竹實來

詩罷栽蒿為願歡丹青寫出孝思看孤兒同是卷施  
草珍重春暉報亦難

汪公子眠琴綠陰圖

白雲藹藹綠陰繁掃石眠琴晝閉門悟到千秋山水  
奏落花脩竹兩無言

贈太倉王子若

丙子

文采清閒舊絕倫鶯花故里憶江春因君感喟丹青

引行路尋常貌幾人

子若為煙客九  
世孫世傳畫法

錢唐聞藍樵大使趙柏悅圖

得伴雲山松檜寒石根銅幹老虬蟠誰知霜露無窮  
感攀樹玉裛淚不乾

題畫荷

明鏡紅雲向晚收斜陽不見盪蘭舟  
甚猶占風清月白秋

丁丑臘月嬰疾垂危小除枕上口占十首

丁丑

撒手天風碧落清何來何去自分明  
海中原有仙龕在更遣香山導我行

尋梅問柳負芳時細雨殘燈引喘絲  
霜後芙蓉生意盡再霑春露是恩私

柏茂蒲零信不同深山也有白頭翁孤兒合是卷施  
草天遣生經九死中

垂白高堂憲採薪覓梨通子幼難嗔龍鍾檢點平生  
事未是人閒可死人

四十閒居蚤自期要將夔屈補烏私縱然不及崔邠  
帽也合斑斕白首嬉

周妻何肉佛難成多病維摩每自驚蚤解禪天足災  
劫何如觀化學無生

自笑歸山未買山何曾一日倦翎閒拚將身事浮雲  
外知是人閒是夢閒

風貪汀渚泛鳬鷗風月溪山載一舟難得人閒此清  
福耳教放眼海天秋

不讀楞嚴禮玉晨縹緗充棟可安身買來萬本皆清  
俸不許兒孫更借人

春陰慈竹覆關千歲歲陝華潔勝蘭一種東風好消  
息還憑小鳳報平安

戊寅正月二日病中循髮有感六首

戊寅

短髮蕭騷尚未斑山人何日卧青山十年更約巖花  
綠祇恐青山亦改顏

皺面觀河意氣消是身空亦似芭蕉憑君為譬安心



法無那風旛祇動搖

篆刻雕蟲媿壯夫談經高密附生徒可憐屯厄臺卿  
命病後還能注孟無

索米歸來負米奔餐錢未免戀清源名山事業吾何  
有留得泥鴻舊爪痕

師友平生感惠多尊前拔劍起高歌年來雌伏支離  
甚欲報隨珠可奈何

丸藥流鶯轉荔牆

杜詩丸藥  
流鶯轉

風情漸老媿春妝不知

簾外花開未一任空階夜雨長

贈吳姬四首

十五婷婷曉鏡中燕嬌鶯慧語東風永嘉山水羸春

色不及天拋過嶺紅

姬溫川平陽人十一歸余待年

記得雙鬟出捧茶雪香小字贈瑤花前身可是文簫

婦還嫁蓬萊舊吏家

余字之曰香雪

自誓久心共白頭茂陵多病殢閨愁不知從古朱門

第幾箇春風燕子樓

頃余病篤姬誓以身殉故及之

病起春衫減帶圍梨花不夢曉雲飛清齋修道緣夫

壻肯唱秋孃金縷衣

陳白陽寒江雪艇圖

已郊

萬堆平地散天花霜葉風枝一半斜何處江邨沽酒

醉綠簑人在釣魚艇

微濛雲樹斷人行凍到梅花夢不成惟見煙波江上  
暮幾行鷗鷺傍船明

李白也楓林夕照圖

秋色山山暮鳥迴飛霞盡照翠屏開夕陽可是天機  
杼幻出千林錦繡堆

夕翠亭臺枕碧流繞溪紅樹四山秋楓林送盡歸樵  
路有客斜陽獨倚樓

題許甌香先生詩冊

湖澣悲歌獨飲寬竹籬對菊曉霜寒黃庭飛瀑青溪

寺舊事如雲夢已殘

衡門雨氣晦三春草罷殘  
纖筆有神哀絕江南蕭瑟

後題詩留得義熙人

美人蕉

白香山詩紅蕉當美人故俗有此名

不緝蓉裳結荔帷不施螺黛汗燕脂  
綠臺曾是仙娥下一朵朱霞墮翠旗

雨打風翻立不斜牆東扇綠上窗紗  
閨中粧罷貪凭

檻為愛丹心照此花

題邵武李古山秀才

祥賡詩卷

滄浪詩話妙通禪華谷風流緝傳箋  
千載綏安傳益

在肯教鏡象不離銓

松谷書帷委綠苔

松谷為朱梅厓先生讀書處君之師也

樾園

君族祖

遺

帙又風埃因君振觸山陽笛不見徐陵詠玉臺

謂故友徐

韻

朱都轉秋帆載石圖

桓

甲申

千載西林韵再經滿船秋抱冶南星女螺江上波如鏡曾照韓陵一片青

十載旌麾據上游袖中東海白雲收重來廉石應無恙試問榕江水上鷗

得黃東厓相國所輯石齋先生遺牘五通繫以絕句

七首

戊子

世事茫茫感過秦傷心吾道泣西隣孤忠自為南朝  
殉不共膺滂傳黨人

四帥分江左擅湖道隣一旅亦區區忠魂應逐梅花

嶺記看江邊射鴨無

用第二  
札語

中原無路闢塵埃裘帶難舒樂葛才重鉞縱歸曾二

老餓軍誰上首山來

用第三  
札語

大安關外陣雲冥孤掌空拳血泪零馬革裹尸愁未  
得何緣更坐竹偕亭

用第四  
五札語

魚羊申酉讖先成何棟礪洲末局傾多少石頭諸將

帥可憐虛作褚淵生

昭代褒忠予謚尊宮牆祔饗見淵源  
豈惟十哲追河內遂志千秋契易言

入骨秋筋似健鷹淋漓絕筆付良朋  
故人慟哭西臺

記朱鳥南歸恨不勝

東厓相國跋二絕句末云誦到終篇哀絕筆孤軍從此沒黃山

題張詩舲農部使閩紀程詩六首

一卷雲山畫本披餘波綺麗寫清詞  
飛旌纔過紅

埠便是江南夢破時

酒旗水驛藕花風三泖湖莊一櫂通  
指點白雲親人  
近煙波搖綠夕陽紅

綠樹青山叫畫簷空江打槳上鷗鷺松楸忽動車茵

感洒涕来看董相碑

謂拜董文恭墓

樓鞅曾踏小竿雲

尚書文敏公句

恩遇先朝記舊聞今日

仙郎輶傳至霞扃更謁武夷君

報道文星是使星鸞鷟杞梓在門庭鼇峯都講如相

訪最有無雙殿上下

謂建寧丁生汝恭

琳琅千什小重山詩思橙黃橘綠閒傳盃也教詩弟

子江春海日學王灣

題華亭張文敏公小像

老輩風流海內尊三山星傳繼諸孫誰描金粟前身



影家學傳燈總一門

燕公手筆氣橫秋往日門牆在越甌若為羊袒覓高  
足人間誰上玉虹樓

八賢賸墨為石士閣學題

風雅多師是我師零璣斷壁亦神奇元亭况有保芭

在肯遣雄文覆醬瓿

帖中姚姬傳魯山木翁草  
溪諸先生皆閣學之師

尚書霜鬢類綿津

漁洋帖乃寄宋牧仲詩稿即  
尚書霜鬢已先秋篇絕句也

一代

風流邁等倫莫信譚龍秋谷錄判他清秀李于鱗吳鶴

目漁  
洋語

竹垞淹通妙染翰淵雲嚴樂擅詞壇人間寶刻出多

少誰辨珊瑚與木難

竹垞老人跋石刻補叙帖有珊瑚木難之喻

合河談藝在東膠心得休從紙上鈔若見宣公諸疏

議真贋鍾呂息簫篋

孫文定奏疏新見刻本

牧菴風格啓袁

檄

虞集

尊酒論文興不孤不是法華

高弟子傳燈誰識有衣珠

姚姬傳

家學淵源魯叔陵維桑康濟見賢能

山未居士家居嘗躬理義倉儲

甲諧

善舉而今獨讓江東步祇有羊曇恨不勝

閣學為山木甥

山舟歛手舊薑芽病後名箋走蚓蛇怪底山中白顛

叟也因東野喜看花

梁山舟帖有喜閣學捷南宮語

風流老輩見翁

澤泰

小名

許苔岑氣味親珍重幾年

懷袖字九言爭肯忘前因

六一文章倡在今扶輪承蓋本儒林看君鳳墅收殘帖已識昌黎遠結心

題葉小庾同知所輯本事詞

中齋

花紅玉白助春嬌風月無邊暖紫簫身是江南賀梅子畫樓芳酒易魂銷

風雲氣不敵情多每悵桓伊喚奈何莫怪曉風楊柳豈紅牙祇按女郎歌

菴菴閨秀幾名家綺語多生艷齒牙一笑東風湖上句阿師也復惜桃花

傳聞舉舉與師師才子由來屬掃箒芳草沅湘無限  
思楚騷哀豔阿誰知

唐本事踵虹亭詞苑叢談照汗青拈出石林新本  
詠碧天花雨自冷

詠王芮川令君母楊太夫人撫馬氏孤事

巾幗存孤事感今寄生寸草覆春陰故人有子甘陵

界不負平生伯厚心

謂芮川考小  
華藩伯同年

廿載勞過所生女中嬰曰倍錚錚千鈞一髮延人

後長使幽魂泣九京

紹述經營孟家事次孫哺養李君孥庸知顧復煩閨

閣猶有遺風魯義姑

藩伯蘭交世所欽願偕婦德播歌吟白著此日成名

後比部綏德馬君亦余同歲生也應學生兒夏字任

范史任延為九真太守民產子者咸曰

使我有是子者任君也多名子為任